

1 CORINTIOS

1 Corintiosdih jwī tūi beh joyát pínah naáwát

¿**Déhe tigaá daánciji?** Pablo, Jesucristo ā jib bohéat tūtni nin náodih āt daacáp wut jī. Pablo ded pah ā jumatdih chah jéihfina, Romanosdih jwī tūi beh joyát pínah naáwát dih nī ené.

¿**Dedih āt daácji?** Jesucristoīh doonádih naóhna, ā jwíih jib bej péaat túttimah jwúub jib bejna, jópchi 50 (Jesucristo ā wunat túttimah 17 jópchi túttimah) Corinto tútchina Pablo āt jwíbínap wut jī. Caán tútchi Grecia baácdih bóo búdí tútchi wut jī. Pánihna, Pablo Jesúh doonádih ā naáwáchah joinít, queét dawá it jepahap wut jī. (Hch 18.1-18) Tūi jéihnitboó “Pablo queét Corintodih moondih chéne na míc āt daác wahap wut jī. 1 Corintios ā daacát pínah játih, bíh ātát daacáp wut jī. (1Co 5.9) Obohjeéhtih, caán ā jwíih daacátji āt buúúáp wut jī. Túttimah, 1 Corintiosdih āt daacáp wut jī. Túttimah, bíhhdihbut āt jwúub daacáp wut jī. (2Co 2.4) Caanbát āt buúúáp wut jī. Túttimah, 2 Corintiosdih āt daacáp wut jī”, ī níj jenah joiná caá.

¿**Dedmant, débólih cah, āt daácji?** Tūi jéihnit, “Éfeso tútchidih jumnit, Pablo 1 Corintiosdih āt daacáp wut jī. (16.5-8) Jópchi 55 ā jwíihichah, (Jesús ā wunat túttimah 22 jópchi túttimah) āt daacáp wut jī”, ī níj jenah joiná caá.

¿**Dedé pínah tigaá āt daácji?** Corinto tútchidih moón Jesúhwā biquína ī tūi chájcat doonádih joinít, queét ī tūut nuumát pínah niijná, āt daác wahap wut jī. (1.11) Queébtut ded pah ī chájat pínahdih Pablodih bíh núojih itát úúbh joyóp wut jī. (7.1) Pánihna, queét chah ī tūi chájat pínahdih, Jesúh doonádih chah ī jéihyat pínahdihbut queétdih āt daác wahap wut jī.

1 Corintios ded pah ā jummat:

1. Pablo ā daác jwíihat (1.1-9)
 - a. Ā jwíih túyat tūtat (1.1-3)
 - b. “Túina caá, Paá”, ā níj úúbh (1.4-9)
2. Jesúhwā tūi bícdih ī nihcat (1.10—4.21)
 - a. Tūi bícdih nihcan, Cristo ā náah yacatdih ī yap yohat (1.10-17)
 - b. Ded pah cáacwā ī jenah joyát, Dios ā jenah joyát (1.18—3.4)
 - c. Ded pah Jesús ā naáwát tūtni ā jummat (3.5—4.5)
 - d. Corintodih moón “Jwíit jéih beedánit jwī jumna caá”, ī níj jenah joyát (4.6-21)
3. Ded pah ī jenah joyátdih Pablo ā tūut nuumát tūtat (5.1—6.20)
4. Ded pah ī weha mánajih ī tūi jummat (7.1-40)
5. Bitā ī pāpnitdih ī wūhni déepdih “¿Jesúhwā ī jeéméchah ā tūi níit?” ī níj úúbh joyátjidih ā jepahat (8.1—11.1)
6. Queét bícdih nihcah, bíh buwatbut ā jumuchah, ded pah ī ámohat (11.2-34)
 - a. Ā míc wáacachah, ded pah yaáhdih jummat caá náahap (11.2-16)
 - b. Jesús ā wunatjidih jenah joinít, áihwā ded pah bícdih jeémát caá náahap (11.17-34)
7. Tūini Espírítu mácah jéihyatnadih ā wūhat (12.1—14.40)
8. Wunnitji ī jwúub boo pud jūúwát pínah (15.1-58)
9. Pablo ā daác péaat (16.1-24)
 - a. Jesúhwā moh yéejnitdih ī wūhat pínah núo (16.1-4)
 - b. Pablo ā jib bejat pínahdih ā jenah joyát (16.5-12)
 - c. Biquína Jesúhwādih ā wēi naáwát (16.13-18)
 - d. Queétdih ā péé túyat tūtat (16.19-24)

Pablo queétdih ã túyat tútat

1 ¹⁻²Weém, Pablo, biñdih daacát túttnit, yeéb Corinto tátdchidih moón Jesúfhwádih wã wahna caá. Dios weemdíh ñfonit, Jesucristofh túini doonádih ã naáwát túttni wã jumna caá. Pánihni jumna, yeebdíh búdí wã túyat túttna caá. Wã úud panihni Sóstenesbut yeebdíh jenah joinít, búdí ã túyat túttna caá. Yeéb jwí Maáh Jesucristodih jepahnit, Diofhwã ñi jumna caá. Nihat baácndih moonbút bíic yoobó jwí maáhdih úébhñit, bíicndih jumnit pah Diofhwã jwí jumna caá. Jwiít nihatdih Jesús jwí Maáh ã jumna caá.*

³Dios jwí íip, jwí Maáh Jesucristobut yeebdíh búdí oinit, í teo wáaca naáh, bíicndih ñi túi jumat pínah niijná.

Dios ded pah queétdih ã túi teo wáacat

⁴Diosdih úébhna, “Paá, queét Jesúfhwádih búdí oinit, ma túi teo wáacatdih túina caá”, wápí niijná caá. ⁵Pánih teo wáacna, ã jéihyanachah, ñi túi jéih naóh yapana caá. ⁶Páant ã túi teo wáacachah, wã naóhñiji Jesúfh doonádih ñi túi joyóp jí. ⁷Búdí ã teo wáacachah, yeebdíh dedé jéihcat pínah ã wihcan caá. Pánihna, Jesús ã jwúb dei jüúwát pínahdih wéi páinit, ã wēpatjñh ñi míic túi teo wáacna caá. ⁸Yeebdíh páantjeh ã túi teo wáacipna caá, caandíh ñi cádahcat pínah niijná. Páant ñi cádahcah, Jesucristo ã jwúb dei jüúwáchah, yeebdíh yéejat peéh chájat ã wihcan niít. ⁹Dios jwiítndih ã níwip jí, jwí Maáh Jesucristodih jwí túi pej jumat pínah niijná. Páant ã niijátji bíic yoobó ã chájipna caá.

Í míic jüihñatdih ã cádahat tútat

¹⁰⁻¹¹Dios páant yeebdíh ã teo wáacachah yuhna, Cloéwã wã pebhna jüinít, ñi míic jüihñat doonádih weemdíh í naáwáp jí. Páant ñi chájachah, wã úudwã panihñitá, jwí Maáh Jesucristo ã

wēpatjñh nin pah yeebdíh wã wutna caá: iÑi míic jüihñatdih caanjñhñeh ñi cádaahaá! iPáant bóojeh! Yeebdíh túi bíicndih jumat caá náahap. Jesús ded pah ã jumatdih, ded pah ã bohéatdihbut bíicndih ñi túi jenah joyoo. ¹²Páant niijnít, nin pah wã naóhna caá. Yeéb bíicndih ñi túi jumcan caá. Biquína, “Jwiít Pablofhwã caá. Caán chah túi bohéni caá”, ñi niijná caá. Bitá, “Jwiít Apoloífhwã jwí jumna caá. Caánboó chah túi naóhni caá”, ñi niijná caá. Bitá, “Jwiít Pedrofhwã caá. Caánboó chah túi jéihni caá”, ñi niijná caá. Bitá “Jwiítjeh Cristo ã bohéatdih yoobópdih jéihñit caá. Pánih jumna, jwiítjeh áihwã caá”, ñi niijná yuh caá.* ¹³Obohjeéhtih, Jesucristo páant ñi jumat pínahdih át bohécap jí. Weém, Pablo, yeebdíh wun wühni nihcan caá. Wã wēpatjñh nihcan jñi yeebdíh í daabánap jí. Jesús ã wēpatjñh í daabánap jí, áihwã ñi jumat jumat pínah niijná. ¹⁴⁻¹⁵Crispo wüt jumni,* Gayo wüt jumni,* queét chénewádhijeh wã daabánap jí. Bitadih wã daabácip jí. Yeebdíh wã daabánachah nihna, “Pabloboó ã wēpatjñh weemdíh ã daabánap jí”, ñita niij tágaá. Pánihna, “Queétdih wã daabátjndih túina caá”, Diosdih wã niijná caá. ¹⁶Cáaj! Estéfanawádih wã quíib bueéup be. Queétdihbut wã daabánap jí. Obohjeéhtih, “Bitadih wã daabácip jí”, wã niij jenah joiná caá.* ¹⁷Cáacwádih daabáni pínah Jesús weemdíh wahcan, áih túini doonádih naáwát túttna, ã wahap jí. Jwiít cáacwã jwí jenah joyátjñh ã naáwát túttnap jí. Páant wã naáwáchah nihna, joinitboó “Caán túi naóhni caá”, niijnít, weemdíhñeh íta wéi jenah joi tága. Jesúsndih íta jenah joicán taga. Obohjeéhtih, Dios ã wēpatjñh yoobópdih áih doonádih weemdíh ã naáwát túttnap jí, Jesús cruzboó ã wun wūhatjndih í túi jenah joyát pínah niijná.

Cristo Dios ã jéihyat, ã wēpatdih júttni caá

¹⁸Jwiít Jesús cruzboó ã wun wūhatji doonádih joinít, caandíh jwí jepahachah,

* 1.1-2 Hch 18.1 * 1.12 Hch 18.24 * 1.14-15 Hch 18.8 * 1.14-15 Hch 19.29; Ro 16.23
* 1.16 1Co 16.15

Dios ā wēpatjīh jwiítidih ā tūi ũbna caá. Oboghjeéhtih, Jesúsdih jepahcannit iiguípna bejnit pínah, cruzboó Jesús ā wun wēhatji doonádih joinít, nin pah ī niíf jenah joiná yuh caá: “Dedé pínah nihcan jíí. Páantjeh át wunjehep wat jíí”, ī niíf jenah joiná caá. * ¹⁹Páant ī niífját bíic yoobó Dios naáwátidih naóh yapani nin pah át niíf daacáp taji:

“Dios nin pah ā niijná caá: ‘Cáacwā ī bohéatdihjeh tūi jéihna yuhna, weemdíh ī jenah joicát jíib ī bũudbípna caá’, ā niijná caá”, āt niíf daacáp taji. (Is 29.14)

²⁰Diosdih jéihcannit ī jenah joyátjīhjih búdí ī jéihyechah yuhna, Dios ī jéihyatdih “Dedé pínah nihcan caá”, ā niíf jenah joiná caá. Pánihna, jwiít cáacwā jwí jenah joyátidihjih bohénit, ī tūi jéihna yuhna, jeáboó ī bejcan niít. Moisés ā watatjidih bohénit, tūi naóhnitbut jéihna yuhna, Dios pebhna ī bejcan niít. * ²¹Dios nihatdih jéihni jumna, nin pah át niíf jenah joyóp wat jíí:

“Cáacwā ī jenah joyátidihjih jéihnitdih wā tūi ũbcan niít. Oboghjeéhtih, wā wūáh ā wun wēhatdih jenah joinítidihjih wā tūi ũbbipna caá”, āt niífjíp wat jíí. Jesúh doonádih jwí bohénachah, jepahcannitboó “Oboh ī naáwátjeh caá”, niíf jenah joinít, bũudnít ī jumbipna caá.

²²Jwiít judfowā nin pah jwíípí niíf jenah joiná yuh caá: “Dios ā wēpatdih ā júutcah, caandíh jwí jepahcan niít”, jwí niijná caá. Yeéb judfowā nihcannit nin pah níípí niíf jenah joiná yuh caá: “Dios ded pah ā jumatdih jwí jenah joyátjīhjih beh joicán, caandíh jwí jepahcan niít”, ni niijná caá. ²³Oboghjeéhtih, jwiítboó nin pah jwíípí niíf naóh bohéna caá:

“Jesucristo cruzboó jwiítidih át wun wūhup taji”, jwí niijná caá. Páant jwí niíf bohéatdih joinít, jepahcannit judfowā nin pah ī niíf jenah joiná yuh caá: “Oboghjeéhtih, Dios ā wahní jwiítidih tūi ũbni pínah wuncanjeh, jwí maáh ā jumbipna caá. Pánihna, Jesús wunah bejna, caánboó jwí páni nihcan caá”, ī niíf jenah joiná caá. Páant niíf jenah joinít, Jesúh doonádih ī yap yohna caá.

Judfowā nihcannitboó nin pah ī niíf jenah joiná yuh caá: “Í yee naáwátjeh caá”, niíf jenah joinít, queébtut Jesúh doonádih ī yap yohna caá.

²⁴Oboghjeéhtih, biquína jwiít judfowádih, yeéb judfowā nihcannitdihbut Dios ā níwlichah, Jesúh doonádih tūi joí jepahnit, nin pah jwí niíf jéihna caá: “Dios chah wēpni, nihát jéihni jumna, cáacwádih tūi ũbat túut niijná, Jesúsdih át wun wēhat túutup taji”, jwí niijná caá. ²⁵Páant ā níwlichah, áihwā jumna, nin pah jwí niíf jéihna caá: “Jwiít cáacwā jwí jenah joyát chah Dios át jenah joi tága. Jwiít cáacwā jwí wēpat chah Dios ā wēpna caá”, jwí niijná caá.

²⁶Páant wā naáwátidih jenah joinít, Dios yeebdíh ā níwlichah, ded pah ní jummatdihbut ní tūi jenah joyoó. Wā ũudwā panihnitá, bita yeebdíh ennit, “Queét bohécannit, dinero wihcannit jumna, oboh jumnit caá”, it niíf jenah joyóp taji. ²⁷Oboghjeéhtih, “Jéihcannitjeh caá”, cáacwā ī niijnítidih Dios át níwip taga. Pánih níona, jéihnitboodíh “Búdí bohéna yuhna, wā jéihyat dedé pínah nihcan caá”, Dios queétdih át niíf jéihyanap taga. Oboh jumnitdihbut ā níwlichah ennit, “Wā wēpat dedé pínah nihcan caá”, maátadih át niíf jéihyanap taga. ²⁸Oboh jumnit, bita ī deohnit, bita ī enah bojnítidihbut Dios át níwip taga. Pánih níonit, “Jwiít cáacwā jwí jéihyat weemdíh ā jumuchah yuhna, dedé pínah nihcan caá”, jwiítidih át niíf jéihyanap taga. ²⁹Pánihna, Dios pehbboó juibínit, “Wā jéihyatjīhjih wā jūúwúp be”, jwí niíf jéihcan niít. ³⁰Oboghjeéhtih, Dios caá jwiítidih át teo wáacap taga, Jesucristodih jepahnit, áihwā jwí jummat pínah niijná. Pánih áihwā jumna, Jesús ā jenah joyát pahjeh muntih Dios jwiítidihbut ā jenah joyát túutna caá. Á wun wēhatdih jwí tūi jenah joyóchah, jwiít áihwádih “Caánboó túini caá. Wā peéh chájcan niít”, Dios ā niíf enna caá. ³¹Nin pah Dios naáwátidih naóh yapani át niíf daacáp taji: “‘Weemdíh dedé judhdát wihcan caá’, niijnít ī jumca bojo naáh. Oboghjeéhtih ‘Jwí Maáh Dios nihát jéihni, weemdíh ā

* 1.18 Ro 1.16 * 1.20 Job 12.17; Is 19.12; 33.18; 44.25

túi teo wáacap be', niijnít í jumna naáh",
 át niíf daacáp tají."

Cristo ã wun wúhatji

2¹⁻²Wá éudwá panihnítá, ñi pebhna
 jwíh jwíibína, ded pah wá jumatjidih
 ñi túi náhninaá. Ñi pebhboó wá bejat
 pínah játih nin pah wá niíf jenah joyóp jī:
 "Jesucristo ded pah ã jumatjidih bohéna,
 jwiít dih ã wun wúhatjidih queétdih wá
 jéihyabipna caá", wá niíf jenah joyóp jī.
 Páant niíf jenah joinít, Dios weemdíh ã
 jéihyani doonádih táinijeh yeebdíh wá
 naóh bohénap jī, "Pablo nihat jéihni caá",
 ñi niíf jenah joicát pínah niijná. ³Nijeéh
 jumna, nin pah wá niíf jenah joyóp jī:
 "¿Yoobópdihi níit wá bohénap? ¿Jesúsdihi
 í túi jepahmi naníit? ¿Jepahcan, íijnit,
 weemdíh í yoh bacami naníit?" niíf jenah
 joinít, búdí wá úmup jī. * ⁴Jwiít cáacwá
 jwí jenah joyátjijeh wá naóh bohécap jī.
 Obohjeéhtih, Túini Espíritú ã wépatjīh
 yeebdíh táinijeh wá bohénachah joinít,
 Dios ded pah ã wépatdih ã júutuchah
 ennit, Jesúsdihi ñi jepahap jī. ⁵Pánihna,
 "Pablo ã túi jéihyatjijeh jwiít dih ã
 jepahat tútucap jī. Obohjeéhtih, Dios ã
 wépatjīh ã chāj júutuchah ennit, Jesúsdihi
 jwí túi jenah joyóp jī", ñi niiját pínah
 niijná, páant wá bohénap jī.

Túini Espíritú ded pah Dios ã jumatdih ã jéihyaat

⁶⁻⁷Diosdihi jéihcannit í jenah joyát dedé
 pínah nihcah, Diosboodíh túi jenah joyát
 caá náahap. Diosdihi túi jenah joinít dih
 nin pah wápi niíf naóh bohéna caá: "Dios
 nihat jéihni jumna, jwiít dih túi ubat tút
 niijná, Jesúsdihi át wahjip taga. Pánih
 chājna, jeáboó jwí jwíibínachah, chah
 túinidihbut jwiít dih ã chāj bipna caá",
 wápi niíf naóh bohéna caá. Nin baácdih
 moón maáta í jenah joyát chah Dios ã
 jenah joyát caá. Queétdih í wunuchah, í
 jenah joyátjidih bita í náhnican níit.
 Obohjeéhtih, Diosboó nin baácdih ã
 chājat pínah játih, Jesúsdihi ã wah deyaat
 pínahdih átát jenah joijip taga. Jon játih
 páant niíf jenah joiná yuhna, jwiít
 cáacwádih át jéihya jwuhcap taga. ⁸Páant

ã jenah joyátjidih nin baácdih moón í
 maátaboó ít beh joicáp jī. Í beh joiná
 nihna, nihat jéihni, chah wépní, jwí
 Maáh Jesucristodih íta moó yohcan taga.
⁹Dios páant ã niíf jenah joyátjidih cáacwá
 í beh joicáh yuhna, ã naawát dih naóh
 yapani nin pah át niíf daacáp tají:

"Caandíh oinítdih ded pah Dios táini
 ã chājat pínahdih jwiít
 cáacwáboó encan, joicán, jwí
 jenah joi jwáhcán caá. Ded pah
 jwí jenah joyát chah ã túi
 jum bipna caá", át niíf daacáp
 tají. (Is 64.4)

¹⁰Páant ã jéihya jwuhcah yuhna, ã jenah
 joyátjidih bæ jwuhna Túini Espíritúboó
 jwiít dih ã jéihyana caá. Caán Túini
 Espíritú nihat jéihni, Dios ã jenah
 joyát dih ã túi jéih beedána caá.

¹¹Jwiít cáacwá bih ã jenah joyát dih
 jwí jéihcan caá. Caanjéh caá ã jéihyep.
 Pánihat pah, jwiít cáacwá Dios ã jenah
 joyát dih jwí jéihcan caá. Áih Túini
 Espíritúteh caá caandíh ã jéihyep.

¹²Diosdihi jéihcannit í jenah joyát pah
 jenah joiná, Dios ã jenah joyát dih jwí
 beh joicán caá. Páant jwí beh joicáh, áih
 Túini Espíritú dih jwiít dih Dios ã wúhup
 jī, ded pah oinit, ã túi chājatjidih jwí
 jéihyat pínah niijná. ¹³Páant ã
 jéihyanachah, ã wépatjīh jwiít but
 yeebdíh jwí jwúub bohéna caá. Diosdihi
 jéihcannit í jenah joyát pah jenah joinít,
 jwí bohécán caá. Obohjeéhtih, Túini
 Espíritú ã jéihyanachah, bitadihi jwípi
 bohéna caá.

¹⁴Jesúsdihi jepahcannit, Túini Espíritú
 wihcannit, caán ã bohéat dih náahcan,
 "Dedé pínah nihcan caá", í niíf jenah
 joiná yuh caá. Pánihna, Túini Espíritú ã
 teo wáacah, ã bohéat dih queét í jéih beh
 joicán caá. ¹⁵Túini Espíritú ã teo
 wáacah, Dios ded pah ã bohéat dih
 jwiít Jesúsdihi jwí jéih beh joiná caá.
 Pánih beh joiná, ã weñat pínahdih jwí
 jéih chājna caá. Obohjeéhtih, Jesúsdihi
 jéihcannitboó páant jwí chājachah ennit,
 Dios ã weñat pínahdih beh joicán,
 "¿Dépanih tígáá queétdih páant í chāj?" í
 niijná caá. ¹⁶Páant ã jumap pah jon játih

* 1.31 Jer 9.23-24 * 2.3 Hch 18.9

Dios naáwátdih naóh yapani Isaías nin pah át niŷ daacáp tají:

“Dios nihát jéihni ā jumuchah, jwiít cáacwáboó ded pah ā jenah joyátdih jwí jéih beedácan caá. Pánih jéihcannit jumna, caánboodíh jwí jéih bohécán caá”, át niŷ daacáp tají.*

Obohjeéhtih Túini Espírítu ā teo wáacachah, jwiítboó Jesucristo ded pah ā jenah joyátdih jéihna, ā weñat pínahdih jwí jéih chájna caá.

Pablo, Apolosíh Diosdih oboh teo wáhnitjeh í jumát

3¹Yeéb wā údwā panihnitá, Jesucristodih jepahna yuhna, páantjeh jáap jéihnit pah ní jumna caá.
²Yeébdíh maatápdih wā bohénachah yuhna, wébít páantjeh nom jwuhnit dée pah ní jumna caá. Páant ní jumuchah, ní tái beh joyát pínah niijná, buocannidihjeh yeébdíh wā naóhna caá. Pánihna, nom jwuhnitdih jeémátdih jwí wáhtcat pah, buoni bohéátdih yeébdíh wā jéih naóh jwuhcan caá. ¿Dépanihna, páant ní jum? ³¿Dépanihna Túini Espírítu wihcannit pah Dios ā weñat pínahdih ní chájcan? Túini Espírítu wihcannit pah jumna, tabit míc jüihnit, míc íjanitbut ní jumna caá. Jesucristodih jepahcannit biíc yoobó ní chájna caá. ⁴Yeéb biquína “Weém Pabloíh caá”, niijnít, bita “Weém Apoloíh caá”, niijnít, tabit ní míc íjana caá. Pánih míc íjana, Diosdih jéihcannit dée pah ní jumna caá.*

⁵Biquína “Pablo caá chah jéihni”, niŷ jenah joí, bitabut “Apolos caá chah jéihni”, ní niŷ jenah joiná caá. Páant ní niŷ jenah joicá bojoó. Jwiít bohénit nihát biíc yoobó Diosdih teo wáhnitjeh jwí jumna caá. Ded pah ā wutuchah, caandíh jepahnitjeh, yeébdíh jwí bohénap jí. Páant ā wutuchah, jwí bohénachah joinít, Jesucristodihjeh yeéb ní jepahap jí. ⁶Nin pah ā jumna caá: Pácahidih momni dée, weém jí yeébdíh Jesúsíh doonádih wā jwíh naáwáp jí.*

Páant ā momat túttimah, pácahi en daoní dée, Apolos yeébdíh ā jwáub bohénap be, chah ní jéihyat pínah niijná.* Obohjeéhtih, momnidih Diosjeh chíhanit, ā behana caá. Pánihat pah Diosjeh túut nuumát túutnit, yeébdíh ā jéihyana caá. ⁷Momni, en daoníbut oboh jumnitjeh caá. Diosjeh ā chílhana caá. Pánihna, weém wā tái naáwáchah yuhna, Apolosbut ā tái bohénachah yuhna, Dios yeébdíh ā jéihyacah, ñita beh joicán tagaá. Páant ní beh joicán, caandíh ñita jepahcan tagaá. ⁸Pácahidih momni, en daoníbut, Dios ā enechah, biíc yoobó í jumna caá. Dios ā wēpatjíh biíc ā tái bohéátdih ennit, ā pehbóo ā juibínachah, Dios chah ā jíib chájbipna caá. Obohjeéhtih biíhboó ā tái bohécátdih ennit, nump ā jíib chájbipna caá. ⁹Jwiít nihát Dios ā wutátdih jepahnit, yeébdíh jwí bohéna caá. Yeébbóo Dioíh pácahi dée, áih muú dée ní jumna caá. ¹⁰Dios weemdíh ā tái teo wáacachah, weémboó yeébdíh wā jwíh bohénap jí. Muú chájna, táini jíhlo jwio náhdih nífonit, í dodhdát dée, weémboó yeébdíh wā jwíh tái bohénap jí. Túttimah, muú chájnit dée bita yeébdíh ít jwáub bohénap taga. Túini muú chájnit dée, jwiít bohénitboodíh Dios ā wēpatjíhjah tái bohéat caá náahap. ¹¹Túini jagáp nahdih í dodhdát dée, Jesucristo ā wun wáhatjidih wā jwíh bohénachah, ní jepahap jí. ¹²Maatápdih jumni pínah muúdhíh chájhna, táini máa nahnadih nífonit, tái chájat caá náahap. Pánihat pah, yeéb Dioíh muú dée ní jumuchah, ní jepah cádahcat pínah niijná, wā túttimah júóhndih Túini Espírítu ā wēpatjíh yoobópdih bohéat caá náahap. ¹³⁻¹⁴Pánih chájna, Jesús jwáub dei júóhna, muúdhíh í tái chájat dée, í tái bohéátjí jíib, Dios ā tái chájbipna caá. ¹⁵Obohjeéhtih, muúdhíh í tái chájat dée, í tái bohécátjí jíib, ā tái chájcan níít. Queét tái bohécannitboó Dios pebhna í juibínachah yuhna, Túini Espírítu ā teo wáacatjíh í bohécach, Dios queétdih ā tái chájcan níít. ¹⁶Pánihna,

* 2.16 Is 40.13; Ro 11.34 * 3.2 He 5.12-13 * 3.4 1Co 1.12 * 3.6 Hch 18.4-11

* 3.6 Hch 18.24-28

“Jwiít bícdih Dioíh muá dée jwí jumuchah, Táini Espiritu jwíjééh á jumna caá”, ñi niíf tui jengah joyoó.*
¹⁷Pániñ jumna, áihwájeh jwí jumuchah, ded yeéb bícdih ñi jumatdih á yéjeanachah, Dios caandíh búdí á peéh chájibipna caá.

¹⁸Biquína nin pah ñi niíf jengah joiná caá: “Weém tui jéih beedáni caá. Dedé weemdíh judhcan caá”, ñi niíf jengah joiná yuh caá. Obohjeéhtih, páant niíf jengah joinít, yeebjéh ñi míc yeena caá. Páant ñi niíf jengah joyátdih yeebdíh cádahat caá náahap. Pániñ cádahnit, túut nuumná, nin pah ñi jwúb niíf jengah joyoó: “Weém bainí jéihniyeh jumna, yoobópdih jéihyat túut niijná, Dios á teo wáacatdih búdí wá náahna caá”, ñi niíf jengah joyoó. ¹⁹Diosboó caandíh jepahcannit ded pah í jengah joyátdih ennít, “Dedé pínah nihcan caá”, á niijná caá. Páant niijná, nin pah jon játih át niíf daacát túutup tají: “Jwiít chah jéihnit caá”, niíf jengah joinítidih wá yohbipna caá”, át niíf daacát túutup tají.* ²⁰Davidjiboodíh bíc yoobó nin pah át niíf daacát túutup tají: “Weemdíh jéihcannit í jengah joyátdih ennít, ‘Dedé pínah nihcan caá’, át niíf daacát túutup tají.* ²¹⁻²²Biquína yeéb nin pah ñi niíf jengah joiná yuh caá: “Pablo chah jéihni á jumuchah, weém áih jumna, weembút chah jéihni wá jumna caá”, ñi niíf jengah joiná caá. Bitabút Apolosdih, Pedrodihbut bíc yoobó ñi niíf jengah joiná yuh caá. Obohjeéhtih, páant ñi niíf jengah joyát yoobópdih nihcah, túut nuumát caá náahap. Yeéb jwíhwhá nihcah, jwiít yeebdíh bohénitboó ñíhwhá jwí jumna caá. Dios jwiítidih yeéb nihatdih át wühup taga. Páant yeebdíh á wühuchah, jwiít nihat yeebdíh teo wáacnit jwí jumna caá. Yeebdíh teo wáacnitdih wühnit, nin baácboó ñi jum jwühuchah, páantjeh á tui chájibipna caá. Wunnit, á pehbóo ñi juibínachah, chah táini á wühbipna caá. Bue láa Dios yeebdíh tui teo wáacna, táttimah bóo láabut, chah á teo wáacbipna caá. Pánihna, nihat táini á wühni ñíh á

jumna caá. ²³Yeéb Cristoihwá jumna, caánboó Dioíh á jumuchah, yeebbút Dioíhwhá ñi jumna caá.

**Cristo á naáwát túutnit
ded pah í jumát**

4 ¹Jwiít yeebdíh bohénitdih “Queét Jesucristodih teo wühnitjeh caá. Dios cáacwádhí á jéihya jwuhca naáhdih Pablowádhí át bohé jibat túutup taga”, niíf jengah joyát caá náahap. ²Det teo wühnitdih í maátadijeh tui jepahat caá náahap. Pánihat pah, jwiít Jesúsdiñ teo wühnit jumna, jwí Maáh ded pah á bohéat túutuchah, jwiítidih yoobópdih bohéat caá náahap. ³“Caán Pablo tui yoobópdih á bohécan caá”, yeéb ñi niijíchah yuhna, weémboó wá jígahcan caá. Bitabút bíc yoobó í niijíchah yuhna, bíc yoobó wá jígahcan niít. Weemjéhbut “Dios á bohéat túutatjidih wá tui bohécan beé”, wá niíf jengah joicán caá. ⁴“Diosdih jepahnit, yoobópdih wá bohécan caá”, niíf jengah joicán yuhna, “Weém tui yoobópdihjeh bohéni caá. Dedé yéjeat jíb weemdíh á wihcan caá”, wá jéih niijcán caá. Jwí Maáh Jesucristojeh weemdíh ennít, “Meém ma tui bohénap be”, niijní pínah caá.* ⁵Jwí Maáh Jesús á jwúb dei jwúwát pínah játih, yeéboó ded pah jwí bohéat, bita í chájatdihbut ennít, “Caánboó jwí Maáh á wutatdih á tui chájcan caá”, niijcát caá náahap. Obohjeéhtih, jwúb dei jühóhnit, Jesúsboó ded pah jwí bohéatjidih jwiítidih á naóhhipna caá. Jwiít cáacwáboó ded pah bíh á chájatdih, á jengah joyátdihbut jwí jéihcan caá. Jwiítjehbut jwí jengah joyátdih jwí jéih beedácan caá. Diosjeh caá á jéihyep. Pánihna, Jesús jwúb jühóhnit, nihat jwí chájatjidih, nihat jwí jengah joyátdihbut á naóhhipna caá. Caán láajeh caá “Meém ma tui chájap jí”, jwiítidih á niíf naóhhipna caá.

⁶Wá úudwá panihnitá, pániñ naóhna, ñi tui beh joyát pínah niijná, ded pah jwiít Apolosjeh jwí jumatdihjeh wá naáwáp be. Ded pah jwí jumatdih ennít, bíc yoobó yeebbút ñi jéih jumbipna caá. Dios á daacát túutatdih jepahna,

* 3.16 1Co 6.19; 2Co 6.16 * 3.19 Job 5.13 * 3.20 Sal 94.11 * 4.4 1Jn 3.19-21

“Yeebdíh bohéni ā jéihyat chah jwiítidih bohéni ā jéihna caá. Pánihna, meém ma jéihyat chah caá wā jéihyep”, ñi míic niijcá bojoó ⁷“Caán bohéniboó chah jéihni ā jumuchah, caandíh caá jwi náahap”, ñi niijcá bojoó. Nihat ñi bíbohahatdih Dios yeebdíh wáhnijeh caá. Jwí bohéatdih ñi joyóchah, Dios caá yeebdíh át beh joyánap taga. Ñi jenah joyátjijeh ñi beh joicáp be. Pánihna, í jéihyatjijeh beh joiníh dée, yeebdíh nin pah niijcát caá náahap: “Weemdfh bohéni túi jéihni ā jumuchah, weembút túi jéihni jumna, Jesúh doonádih weemjéh wā túi beh joyóp be”, niijcát caá náahap.

⁸Yeéb nin pah ñi niij jenah joiná caá. “Jwiítboó Dioíh doonádih túi jéih beedánit caá. Jwiítidih dedé judhdah wihcan caá. Túini Espíritu nihat ā wáhni wēpat jwiítidih ā jumna caá. Pablowā í wihcah yuhna, jwiítjeh maáta jwí jumna caá”, ñi niij jenah joiná yuh caá. Obohjeéhtih, jwí Maáh Jesús ā jwáub dei jwúwáchah, caán bíicdih maáta yooóbpdih ñi jumuchah, áta túi taga. Pánih jumna nihna, jwiítbut ñijeéh maáta jwíta jum taga. Nihat yeejép yapat áta péa taga. Obohjeéhtih, páant ā yap jwuhcan caá. ⁹Weéamboó nin pah wā niij jenah joiná caá: “Jwiít Dios ā naáwát tétntidih oboh jumnit, peéh mawat pínahdih páinit pah bitaboó í enna caá. Nihat cáacwā, nihat Dioíh ángelwáubut ded pah jwiítidih ā yapat pínahdih jéihyat túnt niijná, jwiítidih enna caá í chájap”, wā niij jenah joiná caá. ¹⁰Pánih ennít, “Jesucristoíh doonádih naóhna, queéé dedé pínah nihcan caá”, jwiítidih í niij enna caá. Obohjeéhtih, “Queéé Jesúsíhwā jumna, dedé jéihcat pínah wihcan caá”, yeebboodíh í niij enna caá. “Queéé wēp naóhnit nihcah, queéétdih jwí jepahcan níit”, jwiítidih í niij jenah joiná caá. Obohjeéhtih, “Queéé í túi wēp naáwáchah joinít, nihat cáacwā í túnt nuumbípna caá”, yeebboodíh í niij jenah joiná caá. Pánihna, dawá yeebdíh wēi naóhnit, jwiítboodíh í iiná caá. ¹¹Jwiít jwí bohé jibichah, nuugáp tubna, ápi taca joótna caá. Jwiítidih túini yégueh

wihcan, nuumbút wihcan caá. Jwí naáwáchah joinít, íjina, jwiítidih dawá láa bita í mawap be. Jwí jib bohé jwíhipmant, buubut bíic yooób ā yapna caá. ¹²Jwí náahatdih jib chájat túnt niijná, bádí teonit, jwípi chuaná caá.* Cáacwā jwiítidih yeejép í naáwáchah joinít, yeejép naóh jwáubacanjeh, Dios queéétdih ā teo wáacat pínahdih jwípi úbhna caá. Yeejép í chájachah yuhna, jwípi enah bojna caá. ¹³Yeejép dooná í naáwáchah joinít, “¿Bíicdih jwí jéih jumcan níit?” jwípi níj jwáubana caá. Nihat cáacwā í yohni pah jwiítidih ípi enna caá. Jwí bohé jwíhipmant buubut bíic yooób jwiítidih í jenah joiná caá.

¹⁴Caandíh daácna, ñi tíicat pínah nihcan, yeéb wā weh panihnitdih oina, ñi túnt nuumát pínahdih náah yacnit, páant wā niij daacáp be. ¹⁵Nin wā naáwát pínahdih ñi jenah joyoó: Weém ñi íp panihni caá. Yeebdíh wā bohéat túttimah, dawá Jesúh doonádih bohénit í jumuchah yuhna, weemjéh beé yeebdíh jwíh naóhni. Páant wā jwíh naáwáchah joinít, Jesucristodih ñi jepahap jí. ¹⁶Ñi íp panihnijeh yeebdíh oinit, páant wā niij naáwáp be. Í mána ded pah í jummatdih ennít, wébitbut bíic yooób ípi chájna caá. Pánihna, ñi íp panihni ded pah wā jummatdih ennít, yeebút bíic yooób ñi chájna.

¹⁷Páant ñi chájat pínahdih náah yacnit, Timoteodih ñi pebhna wā wahna caá. Jesúh doonádih wā naáwáchah joinít, caanbút ā jepahachah, wā wúh pah wā oini ā jumna caá. Nihat tútchinadih moón Jesúsíhwádih ded pah bohéna, bíic yooób wápi chájna caá. Ded pah wā chájachah enniji yeebdíhbut ā jwáub náhniabipna caá. ¹⁸Obohjeéhtih, biquína yeéb nin pah ñi niij jenah joiná caá: “Jwiít chah jéihnit caá. Dedé pínah Pablo jwiítidih ā jéih bohécan níit. Jwiítidih úmnnit, ā jwóhbican nacaá”, ñi niij jenah joiná yuh caá. ¹⁹Obohjeéhtih, jwí Maáh ā wahachah, waícanjeh ñi pebhna wā jwíabípna caá. Jwíabínit, páant niij naóhnitabeh ded pah í chájatdih wā enbipna caá. Jesúh doonádih í

* 4.12 Hch 18.3 * 4.16 1Co 11.1; Fil 3.17

naawáchah, ¿Bita í túut nuúm níft? ¿Oboh í nijátjeh caá? ²⁰Queét Dios á wēpatjīh yoobópdi h í naawáchah, queétdih jointboó jepahnit, í túut nuumbípna caá. Obohjeéhtih, páantjeh í naawáchah, cáacwā í jepahcatdih wā jéihbipna caá. Jesúfhwā jumna, ded pah naóhna, Dios á wēpatjīh í chājipna caá. Oboh naóhna, í chājcan níft. ²¹Pánihna, ní pebhna juibínit, wā jūihñatdih náahcan, ní túut nuúm pánaá. Páant ní túut nuumúchah, ní íp pah yeebdfh oinit, chahjeh wā naóhbipna caá.

Yeejép yoobát pohba chājnidih í yohat pínah

5 ¹Buu yeebdfh bainí wá jwúub naawát túut caá. Ní pebh chah yeejép chājat doonádih wā joyóp be. Ní cātīh tubit yéej chājni á íp áadihjuh át bíbohoh wut be. Jesúsdih jéihcannit páant yeejép ípí chājcan caá. Obohjeéhtih, yeéboó Jesúsdih jéihnit jumna yuhna, páant á chājatdih ní enah bojna caá. ²“Jwí Maáhdih túi jepahnit, jwiítidih dedé yeejat wihcan caá”, níj jengah joiná yuhna, tíccan, jíghacan, caán yeejép chājnidih ní túut nuumát túutcap be. Páant ní túut nuumát túutcan, buu páantjeh á yeej chājat jíib, yeéb ní míc wáac juinít, caandih ní jwúub waadát túutca bojó. ³Weémboó níjeéh wihcan yuhna, caán doonádih joinít, búdí uúbhna wā chājap be. Pánihna, níjeéh wā jumat pahjeh, ded pah caandíh á yeejat peéh chājat pínahdih Jesús weemdíh á jéihyanap be. ⁴⁻⁵Páant á jéihyanachah, nin pah yeebdfh wā níj naóhna caá: Caandíh á yeejat peéh naawát túut níjná, yeéb ní míc wáacá. Pánih míc wáacna, níjeéh wā jumat pah, Jesús á wēpatjīh nin pah caandíh ní níj: “Jwí jwúub míc wáacachah, ma waadca bojó. Nemépwā í máah ded pah meemdíh yeejép á chājíhna, á chāja naáh, ma jwúub túut nuumát pínah níjná. Pánih túut nuumnít, Jesús á jwúub dei júúwúchah, ájeéh ma bejat pínahdih meemdíh jwí náah yacna caá”, caandíh ní níj.

⁶Pánih yéej chājni níjeéh á míc wáacachah, yeéboó “Jwiít Jesúfhwā jwí túi jumna caá”, ní níj jengah joyóchah yuhna, á túican caá. Nin pah jwípi níj naawátidih ní túi jéihna caá: “Búdí pan pínahdih á paáat pínah bainíbitjeh jwí widichah yuhna, nihát ápi paa béjna caá”, jwí níjná caá. Pánihat pah, bícjeh á yeejatdih cáadahícan, nihát Diofhwā bícdih míc wáacna, queétdihbut á yeejabipna caá. ⁷Jwiít judfowá Pascuadih jeémát pínah chājnit, nihát paáat pínahdih jwíih nuumánt yohnit, paacánni pandihjuh jwípi chājna caá. Diosdih jwípi mao wáhni oveja wúuh pah, Dios á enechah, yeejat wihcannit jwí jumat pínah níjná, Jesucristo jwiítidih át wun wúhup tají. Pánihna, paáat pínahdih jwí yohat pah yeebdfhbut nihát ní yeejatdih, ní cātīh jumni yeejat cáadahícanidihbut yohat caá náahap. Pánih yohna, paacánni pan dée, Dios á enechah, yeejat wihcannit ní jumbipna caá. ⁸Pánihna, túi weéni, bícdih jumát túut níjná, nihát yeejép chājatdih, yeejép jengah joyátidihbut cádahnit, yoobópdi jengah joinít, jwiítidih túi chājat caá náahap. ^{*}

⁹Wá jwíih daác wahni núodih wā níjájti pah muntih, buu wá jwúub níj daácna caá, ní túi beh joyát pínah níjná. “Í á nihcannitjīh yeejép chājnit bícdih ní jumca bojó”, wā níj daacáp jí. ¹⁰Páant níj daácna, “Jesúsdih jéihcannit yeejép chājnit”, níjná wā chājcan be. “Jesúsdih jéihcannit bíf déedih en nínahnitdih, nuumnítidih, pápnidih uúbhnitdihbut”, níjná wā chājcan be. Pánih chājnit nihát pehbóo í jumna caá. Íjeéh jumíhcan, dedboó ní jweyát pínah áta wihcan taga. ¹¹Obohjeéhtih, nin pah níjná wā chājap be: “Weém Jesúfh caá”, níjná yuhna, nin pah chājnit bícdih ní jumca bojó: í á nihcannitjīh yeejép chājnit, en nínahnit, pápnidih uúbhnit, bitadih yee naóh yacnit, máihnit, nuumnít í jumachah, queét bícdih ní jumca bojó”, níjná wā chājap be. Pánih chājnitdih numah jeémpcat caá yeebdfh náahap. Queébut yeebdfh í numah

* 5.1 Dt 22.30 * 5.6 Gá 5.9 * 5.7 Ex 12.5 * 5.8 Ex 13.7; Dt 16.3

jeémfichah, ñi jepahca bojoó.
¹²⁻¹³Weém Jesúsdih jéihcannitdih ī yéejat peéh wā chājcan níit. Diosboó queétdih ā peéh chājbipna caá. Obohjeéhtih jwíjeéh wáac joinít Jesúhwa ī yéej chājachah, jwiítboó queétdih peéh chājat caá náahap, ī tūi túut nūmát pínah niijná. Pánihna, ñijeéh jəmni tūbit yeejép chājnídih ñi yohoó. Caandíh ñijeéh bícdih ñi jumat túutca bojoó.*

Jesúhwa jeh míc ámohat

6¹Buu bíh yeejép yapat doonádih joinít, bainí wā naóhbipna caá. Yeéb Jesúsdih jéihnit jəmna yuhna, chénewā míc jūihnit, ¿Dépanihna, ā yooabát pínah niijná, Jesúsdih jéihcanni maáh pehbóó ñi bej? Jesúsdih jéihni pehbna ñi bejchah, yeebdíh ā tūi yooabát pínah niijná, Dios caánboodíh āta teo wáac taga. ²⁻³Nindih ñi tūi náhninaá: Jwí Maáh Jesús ā jwáub dei jūúwáchah, yéejnitdih caán bícdih jwiít áihwáboó jwí wutbipna caá. Ángelwádhbut jwí wutbipna caá. Nin baáboó jwí jum jwuhchah, ¿Dépanihna, bainí míc jūihnit ā jumuchah yuhna, yeéb Jesúhwa jeh ñi jéih yooabacan? ⁴Queét maátadih wéi encan yuhna, ¿Dépanihna, nihat yeéb Jesúhwa míc jūihnit, ī yooabát pínah niijná, queétdihjeh naáwádih ñipí bej? ⁵Ñi tícat pínah niijná, nindih wā naóhna caá: “Jwiít tūi jéihnit caá”, ñij jengah joiná yuhna, míc jūihnitdih naóh yooabáni pínah ñijeéh ā wihcat pah ñi jəmna caá. ⁶Jesúhwa mícjeh míc jūihnit, Jesúsdih jéihcannit maáta pehbna naáwádih bejna, Jesúsdih jepahcannitbut ī joyóchah, ñipí naóh yacna caá. ¿Pánih chājna, ñi tíccan níit? ⁷Yeéb Jesúhwa mícjeh míc jūihnit, yeebdíh yooabáni pínah maátadih ñi bid bejchah, ā tūican caá. Caanná bejcanjeh, yeebhéh ñi yooabánachah, āta tūi tagaá. Obohjeéhtih, jéih míc ámohcan, “Á jumu naáh”, ñi niijíchah, chah āta tūi tagaá. Bitā ī jéih chāj nūmúchah, yeebhéh ñi jéih yooabacah, “Á jumu naáh”, yeebdíh niiját caá náahap. ⁸Obohjeéhtih, páant niijcánjeh, yeéboó chah yeejép ñipí

chājna caá. Bitā ī yeejép chājatdih, ī jéih chāj nūmátidih, bíic yooobó yeéb ñipí chājna caá. Yeéb Jesúhwa míc jəmna yuhna, páant ñipí chājna caá.

⁹⁻¹⁰Nindih ñi tūi náhninaá: Det yeejép chājnit Dios pehbóó ī bejcan níit. Yeebhéh míc yeecanjeh, yooobpdih ñi jengah joyoó. Nin pah chājnit, Dios pehbóó ī bejcan níit: íi náah chājnit, pāpnidih wébhnit, ī áa nihcannitjeh yéej chājnit, neoná mícjeh chājnit, yaádh mícjeh chājnit, nūmnit, bíi déedih en ñinahnit, máihnit, bitadih yeejép doonádih táoh naóhnit, jéih chāj nūmnitbut Dios pehbóó ī bejcan níit. ¹¹Páant ī chājat pah biquína yeéboó ñi jumap jī. Obohjeéhtih, Jesucristodih ñi jepahachah, ā wun wūhnit, ñi yeejtdih āt yohop taga. Pánihna, buu, Túini Espíritu ā teo wáacachah, Dioihwā ñi jumuchah, yeebdíh yéejat jūib ā wihcan caá.

Jwíh bácah jeh yéej chājcat caá náahap

¹²Buu bíh yeejép yapatdih bainí wā naóhbipna caá. Biquína yeéb “Jesucristodih jepahni jəmna, ‘Ma chājca bojoó’, niiját weemdíh ā wihcan caá”, ñi ñij jengah joiná yuh caá. Obohjeéhtih, jwí yéej chājachah, ā tūican caá. Bíh jwí chājachah, túini jəmna yuhna, jwíh bácahdih, jwí jengah joyátidih yeejana, jwiítidih ā teo wáaccan caá. Biquí láana, páant chājatdih cádahihna yuhna, jwí jéih cádahcan caá. Páant chājcat caá jwiítidih náahap.* ¹³“Jwíh wúdh jeémp yacat pínah caá”, niijnít, nūgúp tubuchah, jwípi jeémpna caá. Páant jwí chājachah, ā tūina caá. Nin baáboó jum jwuhna, bid jeémpna, jwí tūi jəmna caá. Obohjeéhtih, Dios pehbóó jwí jumuchah, bid jeémát ā wihcan níit. Biquína “Jwíh bácah yaádhidih metat pínah caá”, ñi ñij jengah joiná yuh caá. Obohjeéhtih, pánihcan caá. Dios jwíh bácahdih chājna, caandíh jwí teo wúhat pínah niijná, āt chājap tajī. Caanjéh caá jwí Maáh. ¹⁴Dios Jesucristodih boo pud jūúwát túutnit, jwiítidihbut bíic yooobó ā

* 5.12-13 Dt 13.5; 17.7 * 6.12 1Co 10.23

wēpatjīh ā boo pud jūúwát túutbipna caá.

¹⁵⁻¹⁶Nindihbut ñi túi náhninaá: Jwiít Jesúfhwā jumna, caán biícđih biíc bácah dée jwī jumna caá. Génesisboó Dios nin pah át niíf daacát túutur tajī: “Newé yadjīh biíc bácah dée ī jum̄bipna caá”, át niíf daacát túutur tajī. * Caandíh jéihnit, nin pahbut yeebdíh túi náhniat caá náahap: Ded newé yadjeéh ā jum̄chah, queét biíc bácah dée ī jumna caá. Pánihna, deoh nah jum̄nih wilijeéh ñi jum̄chah, mijeéh biíc bácah dée ñi jumna caá. Mi jenah joyát pahjeh, yeebbát ñi jenah joib̄ipna caá. ¿Dépanihna yeéb Jesúfhwā, ájeéh biíc bácah dée jumna yuhna, yeejép wilijeéh biíc bácah dée ñi jum̄h? Pánt chājat yeejép caá. ¹⁷Obohjeéhtih yeéboó Jesúfhwā jum̄nit, ájeéh biíc bácah dée jumna, Túini Espírítu ñíih caolihboó ā jum̄chah, caán ā jenah joyát pahjeh yeebbát ñi jenah joiná caá.

¹⁸Yeebdíh ñi áa nihcannitjīh yeejép chājcat caá náahap. Pánih yéej chājnit nihna, chah jwíih bácahdih, jwī jenah joyátđihbut jwī yéejana caá. Pánt jwī chājat túttimah, jwiítđih túut numát chah ā buona caá. Dedé bíh jwī yéej chājachah yuhna, túut numát nump ā chona caá. ¹⁹⁻²⁰Nindih ñi túi náhninaá: Jwíih caolihboó ā jum̄at pínah niijná, Dios jwiítđih Túini Espírítudih át wahap jī. Pánt ā wahachah, jwiítboó áih m̄m̄ páníhni caá jwī jum̄ap. * Dios Jesucristodih wah deyanit, jwiítđih ā wun wúhat pínah niijná, jwiítđih ā jīb chājap jī, áihwā jwī jum̄at pínah niijná. Pánih áihwā jumna, caán jwī maáh ā jum̄chah, jwī weñat pínahdih jenah joicánjeh, ā weñat pínahdihjeh chājat caá náahap.

Téihya chéwát

7 ¹B̄m̄ weemđih ñi uúbh joí daacátjidih wā jepahbipna caá. Nin pah ñit niíf uúbh joyóp tajī: “¿Jwiít Jesúsdih jéihnit jwī áa jum̄chah, ā túimi niít?” ñit niíf daacáp tajī. Pánt ñi

niíf daacátjidih ennit, nin pah wā jepahna caá: Yeéb áa wihcannit ñi jum̄chah, ā túina caá. ²Obohjeéhtih, páant ñi jum̄chah, í náah chājat ā tobohna caá. Pánihna, yeebdíh áa jum̄at caá náahap. ³⁻⁴Pánt ñi áa jum̄chah, yaádíh bácah miíh pínahjeh nihcan caá. Mijeéh boóih pínah caá. Pánihna, mi áa mijeéh ā jum̄hichah, caántđih jepahat caá náahap. Biíc yoobó newééh bácah áih pínahjeh nihcan caá. Ájeéh bóliíh pínah caá. Pánihna, yad ájeéh mi jum̄hichah, caandíhbut jepahat caá náahap. Pánih chājna, bitadih ñi bidcan niít. ⁵“Diosdih túi uúbat túut niijná, biícđih jwī jum̄ jwuhca boj jīh”, ñi míc niijíchah, ā túina caá. Obohjeéhtih, uúbh péanit, túi biícđih ñi jwúub jum̄é. Túbit maatápđih cádahna, Satanásboó bitadih ā yéej chājat túutuchah, jéih yap yohcanjeh, ñi yéej chāj̄bipna caá.

⁶Obohjeéhtih, “Ñi téihya chéwée”, niijnit, wā wutcan caá. Áa jumna, áa wihcatbut, biíc yoobó ā túina caá. Ñi í náah chājcat pínah niijná, páant wā niíf naóhna caá. ⁷Obohjeéhtih, “Weem páh queét nihat áa wihcannit ī jum̄chah, áta túi tagaá”, wā niíf jenah joiná caá. Biquinadih áa jum̄at wēpatđih Dios ā wúhna caá. Obohjeéhtih, bitadih áa wihcan yuhna, túi jum̄at wēpatđihbut ā wúhna caá.

⁸B̄m̄, áa wihcannitđih, éemp wunnitđihbut bainí wā naóhbipna caá. Yeéboó áa wihcannit ñi jum̄chah, ā túibipna caá. ⁹Obohjeéhtih, yaddih, newéđih búdi bidnit, í náah chājcat túut niijná, ñi áa pínahdih ñi ub̄ú.

¹⁰⁻¹¹B̄m̄, yeéb Jesúfhwā áa jum̄nitboodíh bainí wā naóhbipna caá. Nin wā jenah joyátjeh nihcan caá. Dios ā wutat caá. Yaádíh ī áadih ī cádahca bojo naáh. Neonábut ī weha mána yaádhdih ī yohca bojo naáh.

Obohjeéhtih, míc cádahnitjī, bíhdih ī áa jum̄ca bojo naáh. Pánih míc cádahnitjī queét chénat pahjeh jwúub míc ámohna, biícđih jwúub jum̄nit, chah ā túibipna caá. *

* 6.15-16 Gn 2.24 * 6.19-20 1Co 3.16; 2Co 6.16 * 7.10-11 Mt 5.32; 19.9; Mr 10.11-12; Lc 16.18

¹²Buu, yeéb bitadih jwuh bainí wā naóhbiḡna caá. Biquína yeéb neoná Jesúsdiḡ ní jepahachah yuhna, ní weha mána yaádhboó í jepahcap jī. Yeéb Jesúsíhwā ní jumuchah yuhna, níjeéḡ í jumfichah, ní yohca bojoó. ¹³Biquína yeéb yaádhbūt Jesúsdiḡ ní jepahachah yuhna, ní weha mánaboó í jepahcap jī. Páant ní jumuchah yuhna, níjeéḡ í jumfichah, ní cádahca bojoó. ¹⁴Yeéb bíc bácah dée ní jumuchah, bíc Jesúsíh jumna, bíh Jesúsíh nihcah yuhna, Dios yeebdíḡ ennit, “Queét wííhwā caá”, ā níijná caá. Pánihna, Jesúsdiḡ jepahcannit neoná í weha mána yaádh Jesúsdiḡ í jepahachah, queét neonádiḡbūt Dios ā túi chájbipna caá. Bíc yoobó Jesúsdiḡ jepahcannit yaádh í weha mána Jesúsdiḡ í jepahachah, Dios queét yaádhdiḡbūt ā túi chájbipna caá. Páant ní jumuchah, ní wehdiḡ ennit, “Queétbūt wííhwā caá”, Dios ā níijná caá. ¹⁵Obohjeéhtih biquína Jesúsdiḡ jepahcannitboó í weha mána yaádhdiḡ, í weha mánadiḡbūt ípí cádahíhna caá. Pániḡ cádahíhna, míc maocat túut níijná, í beje naáh. ¹⁶Obohjeéhtih, túi bícdih ní jumuchah, chah ā túina caá. Yeéb Jesúsdiḡ jéihnitboó ní weha mána Jesúsdiḡ í jepahat pínah, Dios queétdih ā túi ubat pínah níijná, ní jéih teo wáacmí nacaá. “Í jepahbipna caá. Í jepahcan ní”, jwí níj jéihcan caá.

¹⁷Nin pah niḡat Jesúsíhwādiḡ wāpí naóhna caá: Jesucristodiḡ jepahnit, ded pah ní jumatjidiḡ bíc yoobó ní jumuu. Páant ní jumat pínahdiḡ jwí Maáh jéihnit, yeebdíḡ āt jwejet taga. ¹⁸Det Jesúsdiḡ jepahnit bóodnitjī jumna, í náhni dahwaca bojo naáh. Obohjeéhtih, bóodcannit jumna, í bóodat túutca bojo naáh. ¹⁹Bóodnitdiḡ, bóodcannitdiḡbūt Dios bíc yoobó ā enna caá. Á wátatdiḡ jwiítdih jepahat caá náahap. Pániḡ jepahnitdiḡjeh ā wēi enna caá. ²⁰Dios yeebdíḡ áih pínahdiḡ ā níio láa ded pah ní jumatjī pah ní túut nūmcá bojoó. ²¹Teo wáhnit ní jumuchah, ā túina caá. Páant ní jumatdiḡ ní náhni dahwaca bojoó. Obohjeéhtih, ní maáta yeebdíḡ watíhna, í wata naáh. Á túimi nacaá. ²²Dios ā túi ubuchah, bitadiḡ teo wáhnitboó jwí

maáíḡ jumna, watnit dée pah í jumna caá. Bitadiḡ teo wáhnitboó Jesucristodiḡ teo wáhnit caá. ²³Jesúsíhwā ní jumat pínah níijná, yeéb ní yeejet jíib āt wun wáhp tajī. Pániḡ áihwā jumna, ā weñat pínahdiḡjeh yeebdíḡ chájat caá náahap. Yeebdíḡ bita Jesúsdiḡ í cádahat túutuchah, queétdih ní joyáh bojoó. ²⁴Pánihna, wā úudwā panihnitá, Jesúsdiḡ jwíih jepahnit, yeéb niḡat ded pah ní jumatjī bíc yoobó ní jumuu. Páant ní jumuchah, Dios yeebdíḡ wēi ennit, ā teo wáacbiḡna caá.

²⁵Buu, áa wihcannitdiḡ ní uuḡb joyátdih wā jepahbipna caá. Ded pah queét í chájat pínahdiḡ Dios ā wutcan caá. Obohjeéhtih, weém wā jenah joyátdihjeh wā naóhbiḡna caá. Dios weemdiḡ ā jígah en teo wáacachah, wā jenah joyátdih ní túi joyóchah, ā túimi nacaá. ²⁶Nin pah wā jenah joiná caá: Buu yeó jáapna Jesúsíhwā túbit yeejép í yapna caá. Ní áa jumuchah, chah ā buobiḡna caá. Pánihna, áa wihcannit jumna, áa wihcanjeh jumat caá náahap. ²⁷Obohjeéhtih, áa jumnitboó ní áadiḡ yohcat caá náahap. Áa wihcannitboó ní áa pínahdiḡ bidcat caá náahap. ²⁸Páant wā níijíchah yuhna, ní áa pínahdiḡ bid jwinít, téihya chéonit, ā túina caá. Obohjeéhtih, nin yeó jáapnadiḡ áa jumnitboodiḡ chah í buobiḡna caá. Ní áa wihcah, nūmp yeebdíḡ ā buobiḡna caá.

²⁹Páant níijnít, wā úudwā panihnitá, nin pah wā naóhna caá: Jesús ā jwúub dei jwúwát pínah bahniḡjeh ā jwuhna caá. Pánihna, ded pah ā weñat pínahdiḡ búdi jenah joyát caá náahap. Ní weha mána yaádh í weñat pínahdiḡ ní jenah joyát chah, Jesús ā weñat pínahdiḡ jenah joyát caá náahap. ³⁰Jwí jígahat, jwí weñat, dedé pínah niḡcan caá. Bíí déedih jíib chájna yuhna, bíbohcannt pah ní jumuu. ³¹Pánihna, Jesús ā wátatdiḡ táí chájat túut níijná, nin baácboó jummidih búdi wēi jenah joicát caá náahap. Ded pah Jesús ā wátatboodiḡ jwiítdih túi jenah joyát caá náahap.

³²Bíí déedih jenah joicánjeh, Dios ā weñat pínahdiḡ ní túi jenah joyátdih yeebdíḡ búdi wā náah yacna caá. Áa wihcannitboó jwí Maáh ā weñat

pínahdihjeh ded pah á chājat pínahdih á túi jenah joiná caá. ³³Obohjeéhtih, áa jumniiboó ájeéh bóli mi túi weñat pínah niijná, bíi déedihjeh ápi jenah joiná caá. ³⁴Pánihna, Dioih pínahdih á jenah joicán caá. Yaáhdihbut bíic yoobó á jumna caá. Caánt mi áa wihcan, jwí Maáh á weñat pínahdihjeh ded pah mi chājat pínahdih mi túi jenah joiná caá. Dioih wili mi jumna caá. Obohjeéhtih, áa jumna, newé á weñat pínahdihjeh mi jenah joiná caá.

³⁵Pánih naóhna, túi wēinit ñi jummat pínahdih yeebdíh wā náah yacna caá. Diosdihjeh túi oinit, á weñat pínahdih jenah joinít, bíi déedih jenah joicánjeh, ñi túi jummat pínahdih caá wā náah yacap.

³⁶Buu, bíih naáwát yeeb japatadih jwuh wā naóhbična caá. Ñi náahnit yaádh í behechah enna, “Caántdih ubnit, jwiít chénat pah jwí túi jumbična caá”, niíf jenah joinít, ñi ubúú. Páant ñi ubuchah, yéejat nihcan niít.

³⁷Obohjeéhtih, bíihboó “Áa wihcanni wā jumuchah, chah á táibična caá”, á niíf jenah jof dée caá. Páant caanjéh niíf jenah joiná, bita caandíh í wutchah, á jenah joyát pah chājna, caanbút á túi chājna caá. ³⁸Pánihna, ded á áa pínahdih ubnit, á túi chājna caá. Obohjeéhtih, ded caántdih ubcan, chah á túi chājna caá.

³⁹Dedh áa jumnih, mi áa á wñcnah, caandíh cádahcat caá náahap. Obohjeéhtih, mijeéh bóo á wñuchah, chéwat déedih á watachah, ded bíih áa wihcannidih náahna, mi jwúub áa jumuchah, á túina caá. Obohjeéhtih, Jesúhdihjeh mi ñíwi naáh. ⁴⁰Weemboó nin pah wā niíf jenah joiná caá: “Mi jwúub áa jumcan, chah mi wēibična caá. Túini Espíritu caá weemdíh páant á niíf jenah joyát túutup be”, wā niíf jenah joiná caá.

Pāpnidih í wūhni déep

8 ¹Buu, bíih ñi uúbh jof daacátjidih wā jepahbična caá. Nin pah ñit niíf uúbh joyóp tají: “¿Pāpnidih í wūhni déepdih jwiít Jesúhwā jwí jeéméchah, á túimi niít? Í pāpni cáacwā í chājnihjeh caá. Dedé wēpat wihcan caá”, jwí niíf

jéihna caá”, ñit niíf daacáp tají. Páant niijnít, “Jwiít chah jéihnit caá”, niíf jenah joinít pah ñit daacáp tají. Páant ñi niíf jenah joyát bitadih teo wáacat pínah nihcan caá. Bitadih oinit, queétdih túinihjen naáwát caá náahap. ²Ded “Weemboó nihadidih túi jéih beedáni caá”, niíf jenah joiná yuhna, yoobópdih á jéihcan caá. ³Obohjeéhtih, ded Diosoodíh jéihni, caandíh oina, bitadih á teo wáacbična caá. Páant á oyochah, Dios caandíhbut jéihnit, “Caán wíih caá. Wā oini caá”, á niijná caá.

⁴“¿Pāpnidih í wūhni déepdih jwí jeéméchah, á túimi niít?” ñi niíf daacátjidih buu jwuh wā jepahbična caá. “Pāpni báadhni nihcan caá. Dios bíicjeh caá báadhni”, jwí niíf jéihna caá.

⁵Bitaboó dawádih “Nin wēpni, jwiítidih teo wáacni caá”, í niíf jenah joiná caá. Biquína widhdih, cáiwádih, yeodíhbut páant ípi niíf jenah joiná caá. Bita jeé doóbhnadih, máa nahnadih, ñaúpwádihbut páant ípi niíf jenah joiná caá. “Nin jwiítidih wēp teo wáacni caá”, í niijní, dawá á jumna yuh caá.

⁶Obohjeéhtih, jwiítboó nin pah jwí niíf jéihna caá: “Dios bíicjeh, caánboó jwí íp caá”, jwí niíf jéihna caá. Caán nihadidih át chājav tají. Jwiít cáacwádihbut át chājav tají, áihwā jumna, caandíh jwí weñat pínah niijná. Jwí Maáh Jesucristo bíicjeh caá. Caandíh Dios nihadidih chājav túutnit, jwiítidihbut át jummat túutup tají, Diosdih jwí weñat pínah niijná.*

⁷Obohjeéhtih, “Pāpni báadhcan caá”, jwí niíf jéihyechah yuhna, bitaboó, Jesúhwā jumna yuhna, páant í niíf jéih jwuhcan caá. Jesúsdih í jepahat pínah játih, pāpnidih “Jwiítidih wēp teo wáacni caá”, niíf jenah joinít, caandíh wēina, í wūhni déepdih ípi jeémép tají. Pánihna, buubut Jesúhwā jumna yuhna, pāpnidih wūhni déepdih jeémpnit, pāpnidih í jenah joiná caá. Obohjeéhtih, yoobópdih í túi beh joi jwuhcan caá. Páant niíf jenah joinít, “Páant wā jeéméchah, yéejat jíib weemdíh á jumbična caá”, í niíf jenah joiná yuh caá. ⁸Obohjeéhtih dedéidih jwí jeéméchah, jwí jeémpcāhbut, Diosboó

* 8.6 Mal 2.10; Jn 1.3; Ro 11.36; Ef 4.6; Col 1.15-17

biíc yoobó jwiítidih ã enna caá. ⁹Caán déepdih jwí jeéméchah, ã týyuchah yuhna, bita Jesúsdi h jaaap jéihnitdih jwíta yéeja tagaá. ¹⁰Pápnidih í weñat pebhna waadní, caandíh í wühni déepdih bitajeéh jwí jeéméchah ennit, “Caánboó Jesúsdi h tui jéihni páant ã jeéméchah, weemdíhbut ã túina nacaá”, ã niíj jengah joibípna caá. Obohjeéhtih, “Pápní ã wēpna caá”, páantjeh niíj jengah joinít, jwíwub jeémpna, ã túi chájcan caá. ¹¹“Weém túi jéihni caá”, niíj jengah joinít, jwí jeéméchah, ã túina yuh caá. Obohjeéhtih, túi jéihnit jwí jummatdih jwí jútutat jíib, bita Jesúsíhwá jwí údwá panihnit, jaaap jéihnitdih jwí yéejabipna caá. Jesús queétdih ã wun wühuchah yuhna, bueední í jumtipna caá. ¹²Jwí údwá panihnitdih páant yéejanit, Jesucristodih caá jwí yéejanap.* ¹³Pánihna, weémboó wá údwá panihnitdih oinit, queétdih yéejacat túut niijná, pápnidih weínit í wühni déepdih wá jeémpan niít.

**Jesús ã naáwát túutnit
ded pah í jumát**

9 ¹Jesús ã bohénitji biíc yoobó weembát Jesúsdi h wá enep jí. Páant caandíh wá enechah, weemdíhbut ã naáwát túutap jí. Pánihna, ded pah wá chájíhichah, Jesúsboó ã wutuchah, ã túina caá. Weém caandíh teo wühni yeebdíh áih doonádih wá naáwáchah joinít, ñi jepahap jí.* ²Áih doonádih jepahnit jumna, bitaboó “Pablo Jesús ã naáwát túutni nihcan caá”, í niíj jengah joyóchah yuhna, yeebboó weemdíh ã wahatjidih ñi jéihna caá. Wá bohénachah joinít, jepahna, “Jesús ã wēpatjīh jwiítidih ã bohénap jí”, ñi niíj jéihna caá.

³Bitaboó nin pah ípí niijná caá: “Caánboó Jesús ã naáwát túutni nihcan caá”, í niíjichah yuhna, queétdih bohéna, ñi túut nuumátjidih wápi naóhna caá. ⁴Cáacwádih jwí bohénachah, jeémátidih babhbatdihbut queétdi boó jwiítidih wūhat caá náahap. ⁵Jesús údwá, Pedrobot, nihat bita Jesús ã naáwát túutnitbut í

wéha mána yaádh biícidih í bohé jibichah, ded pah í náahatdih ípí wūhna caá. Jwiítbut áa jumna nihna, queétdi yaádhidihbut jwí numah jibichah, jwí náahatdih yeebdíh wūhat áta náahcan tagaá. ⁶Nihat bohé jibnitdih í bohénitboó dedé í náahatdih ípí wūhna caá. Pánihna, weém Bernabéjīh jwí bohénachah, biíh tewatdih jwí teocat pínah niijná, jwiít chénat pahdih jwí náahatdih yeebdíh wūhat caá náahap. ⁷Soldadowá queétdih í náahatdih ípí jíib chájcan caá. Í maátaboó queétdih ípí wūhna caá. Iguíh momnitboó íih iguíh quehechah, ípí jeémpna caá. Nihat ovejawádih en daonítboó íih ovejawádih ípí mao jeémpna caá. ⁸⁻⁹Páant wá niiját jwiít cáacwá jwí jengah joyátjeh nihcan caá. Moisésjí nin pah át niíj daacáp tají: “Momo jiwí trigo tíbnadih ã caóh chuñuchah, áih jacdih ñi chéoca bojoó, tíbnadih jeémíhna, ã jeémát pínah niijná”, át niíj daacáp tají.* ¿Páant ã niíj daacát túutna, momo jiwidihjeh niít Dios át jengah joijíp? ¹⁰Nihcan caá. Jwiít bohé jibnitboodíh át jengah joyóp tají, cáacwádih jwí bohénachah, jwiítidih í tui en dawát pínah niijná. Wápdidih teonit, jeémátidih ípí bidna caá. ¹¹Jwiítbut momnit dée, yeebdíh Jesúsíh doonádih jwí tui bohénap jí. Páant jwí chájachah, jwí náahatdih yeebdíh wūhat át náahap ta yuh jí.* ¹²Pánihna, bita bohénitdih ñipí wūhat pah, jwiítidihbut wūhat caá náahap.

Obohjeéhtih, páant wūhat yeebdíh ã náahachah yuhna, ñi wūchah ennit, jwiítboó jwí wūbh tac buégacap jí. Pánih wūbhcanjeh, búdí jwípí tewep jí. Jwí wūbhchah, nin pah ñita niíj jengah joi tágaá: “Pablowá bií déedih náahnitjeh, í bohéna caá”, niíj jengah joinít, jwí bohénachah, ñita joiíhcan tagaá. Pánihna, yeebdíh bohéna, ded pah jwí náahatdih jwípí wūbhcap jí. ¹³Obohjeéhtih, nindih ñi tui náhnaína: Dioíh muéna juibínit, jwiít judíowá sacerdotewádih nuñápwadih jwípí wūhna caá, Diosdih í cáo wūhat pínah niijná.

* 8.12 Mt 25.45 * 9.1 Hch 9.3-6; 1Co 15.8; Gá 1.11-16 * 9.8-9 Dt 25.4 * 9.8-9 1Ti 5.18
* 9.11 Ro 15.27

Dios queét sacerdotewādih, bita caánboó teonitdihbut í cáo judhni déepdih át jeémát túutur tají.* ¹⁴Pánihna, bíc yoobó jwí Maáh Jesucristo jwiít áih doonádih naóhntdih jwí bohénitdih át en dawát túutur tají.* ¹⁵Páant ā wutachah yuhna, weémboó yeedb́ih wápi úbhcap jí. Buhbat páant níj daácna yuhna, “Weemd́ih ní teo wáaca”, níj ná wá chájcan caá. Weém nuugúp wunna yuhna, wata úbhcan tagaá. Wá úbhchah joinít, ní wuhchah, “Weém jíib wihcanni Jesúh tání doonádih wápi bohéna caá”, wata jéih níjcan tagaá.

¹⁶“Jesúh tání doonádih wá bohéat jíib, Dios ā enechah, weém chah tání caá”, wápi níj jengah joicán caá. Obohjeéhtih, Dios weemd́ih ā bohéat túutdih chájcan, tubit wata jíjgah tagaá.* ¹⁷Wá náahat pahjeh áih doonádih wá bohéna, wá bohénitboó weemd́ih í jíib chájat pínahdih wata bid tagaá. Obohjeéhtih, wá bohéfhichah, wá bohéfhichah yuhna, bíc yoobó áih doonádih weemd́ih bohéat caá náahap. Ā wutachah joinít, áih tání doonádih wápi bohéna caá. Pánih jepahnit, weemd́ih ā wuhni tewatjeh ā jumuchah, wá bohéat jíib wápi bidcan caá. ¹⁸Pánihna, jíib bidcanjeh bohéna, búdí wá wéina caá. Yeedb́ih bohénitdih en dawát ā náahachah yuhna, weémboó wápi úbhcan caá.

¹⁹Páant wá bohénachah, cáacwá jíib wuhcan, weemd́ih í jéih wutcan caá. Bita í weñat pínahdih chájcan, Dios ded pah ā bohéat tútat pahjeh wápi bohéna caá. Obohjeéhtih, pánih chájna yuhna, bita ded pah í jumatdih ennit, bíc yoobó wápi jumna caá, weemd́ih wéi ennit, tání doonádih wá naáwáchah joinít, í jepahat pínah níj ná. ²⁰Pánih chájna, wá údwá panihnitá, bita judfowádih Jesúh doonádih bohénit, ded pah í chájat bíc yoobó weembút wápi chájna caá, wá naáwáchah wéi joinít, Jesúsdih í jepahat pínah níj ná. “Nihat jwiít judfowá jwí nuowá í wutatdih wá jepahcah yuhna, Dios weemd́ih ā tání enna caá”, wá níj jéihna yuhna, queétdih bohénit, jwí

nuowá í wutatdih wápi jepahna caá.

²¹Bitá judfowá nihcannit Moisés ā wutatjdih jéihcannitdih bohéna, ded pah í jumat pah bíc yoobó wápi jumna caá, wá bohénachah wéi joinít, í jepahat pínah níj ná. Pánih jumna yuhna, Dios ā wutatdih wápi yap yohcan caá. Ded pah Jesucristo weemd́ih ā wutachah, caand́ihbut wápi jepahna caá. ²²Jáap jéihnitbood́ih bohéna, “Weém Jesúsdih chah jéihni caá”, wápi níjcan caá. Queétdih tání beh joi jwuhcan, “Nin pah chájnit, wata yéej cháj tagaá”, níj jengah joinít, í chájcatdih weembút wápi chájcan caá, queétdih teo wáacat túat níj ná. Pánihna, nihat í jumat bíc yoobó wápi jumna caá, wá bohéatdih í tání jepahachah, Dios queétdih ā tání wbat pínah níj ná. ²³Jesúh tání doonádih nihat cáacwá í joyát pínah níj ná, páant wápi chájna caá. Pánih chájna, queét í jepahachah, Dios pehbboó jumna, jwiít bícdih jwí tání wéibipna caá.

²⁴Dios pehbboó juibínit, chah tání ā wuhat pínahdih bidnit, nin baácboó jum jwuhna, ded pah ā wutatdih ní tání jepahaá. Nin pah ā jumna caá: Cáacwá náonit, nihat í náwachah yuhna, chah wépép náonidihjeh wéinit, táníndih ípi wuhna caá. Pánihna, chah wépép náoni dée jwiítbut Dios ā wutatdih tání chájnit, ā pehbboó jwí juibínachah, jwiítidih wéinit, táníndih ā wuhbipna caá. Pánih wépép náoni dée, Dios ā weñat pínahdih tání chájat caá náahap. ²⁵Nin pahbut ā jumna caá: Náonitboó íih b́acahdih ípi wépana caá. Pánih wépana, íih b́acahdih yeejaat pínahdih ípi chájcan caá. Cáacwá queétdih wéinit, náojih péeb waoni júdẃidih í wuhatdih ípi bidna caá. Obohjeéhtih, pánih wuhni júdu waicanjeh ápi wunah bejna caá. Pánihat dée jwiítbut jwíih caolihdih yéejahcan, Diosdih úbhnit, ā naáwátidihbut jwípi jengah joiná caá. Pánih chájnit, ā pehbboó jwí juibínachah, táníndih jwiítidih ā wuhbipna caá. Caán ā wuhni pínahboó ā buudcán níit. ²⁶Weémboó yoobópdihjeh náoni dée, Dios ā weñat pínahdihjeh chájat túat níj ná, caand́ih wápi tání jengah

* 9.13 Dt 18.1 * 9.14 Mt 10.10; Lc 10.7 * 9.16 Jer 20.9; Am 3.8

joiná caá. Míic mao tíohnit yoobópdih í mao chūáat pah, weembát Jesús á wutadtih táí chājat túut niijná, Diosdih wā táí jenah joiná caá. ²⁷Náonit, míic mao tíohnit íh bácahdih yéejacat túut niijná, í náahatdihjeh ípí chājcan caá. Páant í chājat pah, weembát wíih caolihdih yéejacat túut niijná, wā náahatdih chājcan, Dios á weñat pínahdihjeh wāpí chājna caá. Pánih chājnit, Dios pebhboó wā juibínachah, “Bitadih ma bohénachah yuhna, dedé júb wēhat pínah meemdíh á wihcan caá”, weemdíh á niijcán níit.

Egipto baácmant jüóhnit ded pah í yapatji

10 ¹⁻²Dios pebhboó juibínit, jwiít dih wēinit, túinidih á wēhat pínahdih jwiít nihat jwí bidna caá. Pánih bidnit, jwiít judfowá jwí nuowá Egipto baácmant jüóhna, ded pah í yapatjidih jwiít dih táí náhnat caá náahap. Queét nihat Moisésjeéh í bejehah, Diosboó queétdih wapna, mah pöh panihniijh át waawáp wut jí. ^{*} Múj Mac Dūenidih jōpanit, queét nihat Moisésjeéh Dios át chūh bejat túut wut jí. ^{*} Pánih jumna, Moisésdih í táí péenap wut jí. ³Tátchi wihcapboó jumnit, Dios á wühni jeémátdih nihat ípí jeémé wut jí. ^{*} ⁴Múj wihcāh, mah á bac jüúwát pínah niijná, Dios Moisésdih búdí jee dáhdih át mawat túut wut jí. Páant á chājachah, á wühni mahdih queét nihat í babhāp wut jí. Jee dáhmant í babhni mah á bac jüúwát dée, Jesucristobut Túini Espíritudih át wühāp wut jí. Í jéih encah yuhna, Jesús íjeéh á jib bejehah, á wühni Túini Espiritu queétdih át teo wáacāp wut jí. ^{*} ⁵Obohjeétdih, queétdih Dios búdí á teo wáacāchah yuhna, biquínajeh caandíh ít jepahap wut jí. Bitadā caandíh jepahannidih wēi encan, Dios queétdih át peéh chājap wut jí. Pánihna, nihat Egipto baácmant jüóhnit, tátchi wihcapboó jib bejna, páantjeh ít wān beedép wut jí. ^{*}

⁶Páant queét nihat í yapatdih náhnina, bíic yoobó yeejép í chājat pah jwí chājca boj jíh. ^{*} ⁷Dios á daacát túutni tólih, Éxodo í niijnídh, nin pah át níj daacát túut wut jí: “Queét cáacwá í pāpnidih wēinit, bíicdih wēi jeémāp babh máihna ít chājap wut jí”, át niijp tají. ^{*} Páant í yeej chājat pah, jwiít dih chājcat caá náahap. ⁸Bíih láa biquína yaadh metnit, í náah ít chājap wut jí. Páant í í náah chājat peéh bíic yeó jáapdihjeh veintitrés mil queétdih Dios át mawap wut jí. ^{*} Páant í chājat pah, jwiít dih chājcat caá náahap. ⁹Bíih láa, biquína nin pah Moisésdih ít níj jüihāp wut jí: “¿Dépanih tibeé jwiít dih Egipto baácmant ma wā jüóh? Nin tútchi wihcapboó jwí yabh jibna caá. Dios jwiít dih á túi en daocán caá”, ít niijp wut jí. Páant niijnít, Diosdih tac buegána, caandíh ít íjanap wut jí. Páant í yeejat peéh, Dios maiwádh át wahap wut jí, queétdih í chāc mawat pínah niijná. ^{*} Páant í yapatdih jenah jointí, í chājat pah jwiít dih chājcat caá náahap. ¹⁰Bíih láa, biquína nin pah ít míic niijp wut jí: “¿Dépanih tigaá Dios Moiséswádhjeh jwí maáta át chāj? Jwiít nihat bíic yoobó túinit jwí jumna caá”, míic niijnít, Diosdih ít jüihāp wut jí. Páant í jüihānt peéh mawat pínah niijná, Dios áh ángeldih át wahap wut jí. ^{*} Páant í chājat pah, jwiít dih chājcat caá náahap. ¹¹Páant queét í yapatji jwiít péeni yeó jáapna jumnitdih á jéihyana caá. Í yapatjidih Moisés á daacátjidih ennit, táí jenah jointí, bíic yoobó jwiít dih chājcat caá náahap. ¹²“Weémboó Jesúsdih wā chah táí jenah joiná caá. Dedé yeej chājat jenah joyát weemdíh á jüúwáchah yuhna, wā táí jéih yap yohna caá”, níj jenah joiná, ní táí chāja chaáh. Páant níj jenah joiná yuhna, jon játih moón í chājat pah, ní jwúwāp yeej chājmi náca. ¹³Jwiít nihat biquí láana yeejép chājat jwí jenah joiná caá. Páant jwí yeej chājíhichah yuhna, jwí yeej chājcat pínah niijná, Dios jwiít dih ápí teo wáacna caá. Pánih teo wáacna, namá déedih jwiít dih

* 10.1-2 Ex 13.21-22 * 10.1-2 Ex 14.22-29 * 10.3 Ex 16.35 * 10.4 Ex 17.6; Nm 20.11
 * 10.5 Nm 14.29-30 * 10.6 Nm 11.4 * 10.7 Ex 32.6 * 10.8 Nm 25.1-18 * 10.9 Nm 21.5-6
 * 10.10 Nm 16.41-49

ãpí jáutna caá, jwí yap yohat pínah niijná. Pánihna, ded pah jwí buájacatdih jéihnit, chah yeejépdih jáhñit, jwiítidih ãpí teo wáacna caá.

Päpnidih wéicat

¹⁴Wá chéenwá, nindih ñi túi joyoó: Bita “Jwíih dios, jwiítidih teo wáacni caá”, ñi niíf päpnidih ñi wenepboó bejcanjeh, queét ñi chājat biíc yooó yeebbát ñi chājca bojoó. ¹⁵Yeéb túi jéihñit jumna, ded pah ñi chājat pínahdih jéihyat tētut niijná, nin wá naáwátidih yeebjéh ñi túi jenah joyoó: ¹⁶Míic wáac juinít, Jesúih meép panihni iguíf macdih babñit, áih bácah panihni pandihbut biícidih jwí jeémátidih bainí yeebdíh wá naóhbipna caá. Pánih babh, jeémpna, ñi wun wāhatdih jenah joinít, “Táina caá”, jwípi niijná caá. “Jwiítidih wun wāhna, jwiít ájeéh túi biícidih jwí jumuchah, ñi wēpat jwiítidihbut ñi wāhna caá”, jwí niíf jéihna caá. ¹⁷“Jwí jeémpni pan biíc dahjeh ñi jumat pah, jwiít nihat biícidih biíc bácah dée jwí jumna caá”, niíf jéihñit, caán pan dahdih biícidih jwípi jeémpna caá.

¹⁸Jwiít judíowá ded pah jwí chājatdih ñi jenah joyoó: Dioíh muuná bejñit, nuñúpdih mao cáo wāhñit, Diosdih jwípi wéina caá. Caandíh jwí wāhat túttimach, caán déepdih jeémpna, Diosjih biícwá jwí jumna caá. Bitabut päpnidih ñi wāhñijidih jeémpna, queébtut caanjíh biícwá ñi jumna caá. ¹⁹Páant niijnít, “Jwíih dios caá”, niíf päpni, caandíh ñi wāhñibut “Dedé wēpat ñi jumna caá”, wá niijcán caá. ²⁰Obohjeéhtih, dedé wēpat ñi wihcah yuhna, bita caandíh jeémátidih wāhna, Diosdih jenah joicánjeh, nemépwāboodíhjenah jenah joinít, ñi wāhna caá. Pánih wāh péanit, jwíub jeémpna, nemépwá biícidih ñi jumna caá. Yeébbodíh nemépwá biícidih ñi jummatdih wá náah yaccan caá. ²¹Nemépwá biícidih jumna, Dios biícidih ñi jéih jumcan caá. Dios biícidih túi jummat tētut niijná, nemépwá biícidih jumcat caá náahap. Pánihna, nemépwādih ñi wāhni jeémátidih ñi

jeémpca bojoó. Caandíh wāhni babhbatdihbut ñi babhca bojoó. Jesucristo ñi wun wāhatdih jenah joinít, caán biícidih jummat tētut niijná, áih meép panihni iguíf macdih babhna, áih bácah panihni pan dahdih jeémát caá náahap. ²²Päpnidih wāhñiji jeémátidih, Jesús ñi wunatdih jenah joinít jeémátidihbut jeémpna, jwí Maáhdih ñi íjjana caá. ¿Yeébbó Diosdih chah wēpnit niíf ñi jumap? ¿Ñi yéejat ñi peéh chājatdih ñi jéih jweimí naniít? Niican caá. Pánihna, ñi íjyatdih úmñit, nemépwādih ñi wāhñijidih ñi jeémp, babhca bojoó.*

Bitadidih oinit, teo wáacat

²³Biquína yeéb nin pah ñi niíf jenah joiná caá: “Jesucristodih jepahni jumna, ‘Ma chājca bojoó’, niiját weemdíh ñi wihcan caá. Weemdíh yéej chājatjeh ñi náahcan caá”, ñi niíf jenah joiná caá. Obohjeéhtih, biíf jwí chājachah, táini jumna yuhna, jwiítidihjenah, bitadidihbut ñi teo wáacat caá. ²⁴Pánihna, jwí weñat pínahdihjenah chājcan, bitadidih jwí teo wáacat pínahdih chājat caá náahap.

²⁵Déepdih jiiib chājatboó jiiib chājadih bejna, “¿Päpnidih ñi wāhni niít? ¿Wá jeéméchah, ñi táini niít?” niíf wābh joicánjeh, jiiib chājñit, ñi jeémé. ²⁶Jwí íip Dios nihatdih ñi chājni, nihat áih caá. Dedé jwí jeémát pínahdihbut chājñit, jwiítidih ñi wāhna caá. Pánihna, ñi wāhñidih jwí jeéméchah, ñi táina caá.*

²⁷Jesúsdi h jéihcanni yeebdíh ñi numah jeéméchah, bejñit, dedé ñi wāhuchah, “¿Nin päpnidih ñi wāhni niít?” niíf wābh joicánjeh, ñi jeémé. ²⁸Obohjeéhtih, Jesúsdi h jáap jéihñibut jumna, “Nin déep päpnidih ñi wāhni caá”, yeebdíh ñi niijichah joinít, caandíh ñi jeémpca bojoó. ²⁹“Wá jeéméchah, ñi táina caá”, niíf jéihna yuhna, jeémpñit, jwí Maáhdih jáap jéihñibodíh yeéb ñita yéeja tagaá. Obohjeéhtih, “Ñi jeémpca bojoó”, wá niijichah joinít, nin pah weemdíh ñita niíf wābh joi tagaá. “Caandíh wá jeéméchah ñi táyatdih jéihna yuhna, ¿Dépanihna jáap jéihni ñi jenah joyát pah

* 10.16 Mt 26.26-28; Mr 14.22-24; Lc 22.19-20 * 10.18 Lv 7.6 * 10.20 Dt 32.17

* 10.21 2Co 6.15-16 * 10.22 Ex 20.5; Dt 32.21 * 10.23 1Co 6.12 * 10.26 Sal 24.1; 50.12; 89.11

weemdih chājat náah?* ³⁰Dedédih jeémpnit, ‘Ma wūhat túina caá, Paá’, wāpí niijná caá. Páant wā niijichah yuhna, ‘Dépanihna, ‘Caandih jeémpnit, ma yéj chājna caá’, weemdih ma niij?’ nita niij tágaá. ³¹Páant niij naóhna, nin pah niijná caá wā chājap: Jwiít Jesúhfwādih túi chājat caá náahap, bita jwiítidih ennit, queébtut Diosdih i weñat pínah niijná. Pánihna, jeémp, babh, dedédih chājna, bita Diosdih i wēi naáwát pínah niijná, túi chājat caá náahap. ³²Judiowā, judiowā nihcannit, Jesúhfwādihbut yeejép ni chāj jútca bojó. ³³Weemboó dedé wā chājihna, niहत cāacwā i túi jummatdih jenah joinít, wāpí chājna caá. Pánihna, Jesúsdih i jepahachah, Dios queétdih ā túi abat pínahdih búdí náah yacna, wā túi jummat pínahdih jenah joicánjeh, bita i túi jummat pínahdih wāpí jenah joiná caá.

11 ¹Weém Jesucristo ded pah ā chājatjidih jenah joinít, bíic yoobó wāpí chājna caá. Páant wā chājat pah, yeebbút ded pah wā chājatdih ennit, bíic yoobó ni chājaá.*

Míic wáacnit, ded pah i chājat pínah

²Ded pah wā chājatjidih náhninit, yeéb bíic yoobó ni túi chājna caá. Jesúh doonádih jwí bohénachah joinít, páantjeh ni túi jepahna caá. Páant ni chājachah, yeebdih wā wēina caá.* ³Buu bíihdih wā naóhbipna caá, yeéb Jesúhfwā míic wáacnit, ded pah ni chājatdih ni túi jéihyat pínah niijná. Nindih ni náhninaá: Jwí íp Dios Jesucristo ā maáh caá. Jesús neoná i maáh caá. Neoná i weha mána yaádh i maáh caá. ⁴Níih baácdih moón bíihdih jepahat jútca, níih waojih yégueh chóojih níipí cáagna caá. Pánihna, Jesúh neonáboó wébhñit, Dios naáwátidih naóh yapanitbut jih cáagna, ‘Bíih caá wā maáh. Jesús nihcan caá’, niiját jútca dée chājnit, jwí Maáh Jesucristodih yeejép i chājna caá.

⁵Yaádhboó wébhna, Dios naáwátidih naóh yapanit, jih cáagan, ‘Wájeéh bóodih wā

jepahcan níit’, niiját jútca dée chājnit, i weha mánadih yeejép i chājna caá. Mí áa nihcannijeéh yeejép chājnih wili, niहत míih waó yoóc boj yohnih dée mi jumna caá. ⁶Yaádhboó íih waojih yégueh chóojih cáaguíhcan, waó yoóc boj beedánih i jumna naáh. Obohjeéhtih, boj beedáátdih tíicnit, i jih cáaga naáh.

⁷Diosdih wébhna, neonáboó Dios ā niहत panihni jumna, íih waó dájhjih cáagat caá náahap. Páant i cáagan, ‘Diosjeh caá wā maáh. Caánboó chah túini caá’, i niiját jútca caá. Yaádhboó cáagnit, ‘Wájeéh bóo túini caá. Caandih wā wēi jepahna caá’, i niiját jútca caá.* ⁸Dios cáacwádih jwíih chājna, newédih át jwíih chājap wut jī. Túttimah áih páwájih yaddih át chājap wut jī. ⁹Newédih chājnit, yaddih teo wáacni pínah nihcan wut jī. Obohjeéhtih, yadboodih newédih teo wáacnih pínah át chājap wut jī. Páant tigaá neoná maáh panihñit i jumna caá.*

¹⁰Yaádhdih waó dáh jih cáagat caá náahap, i weha mánadih i jepahat jútca túit niijná. Dioh ángelwā i wēi enat pínah but niijná. ¹¹Obohjeéhtih, neoná i weha mána yaádh i maáh i jumachah yuhna, Jesúhfwā jumna, Dios queé t chénat pahdih bíic yoobó ā enna caá. Pánihna, queétdih míic teo wáacat caá náahap. ¹²Dios newédih jwíih chājna, áih páwájih yaddih át chājap wut jī. Buu yaádh caá neoná pínahdih i weh jumna caá. Obohjeéhtih, Dios caá niहतdih ā chājap.

¹³Míic wáacnit, ded pah ni jummat pínahdih túi jéihyat túit niijná, yeebjéh ni jenah joyó. Níih táttchinadih moón bitadih i jepahat jútca, íih waojih yégueh chóojih ípí cáagna caá. Pánihna, yaádhboó Diosdih wébhñit, i weha mánadih i jepahat jútca, queétdih waojih cáagat caá náahap. ¹⁴Ni cátił newé waó yoóc maátni ā dēwúchah ennit, ‘Caánboó yad wili pah waó yoóc dēoná, ā tíiccan níit?’ níipí níj jenah joiná caá. ¹⁵Obohjeéhtih, yadboó waó yoóc maátni mi dēwúchah ennit, ‘Míih waó yoóc maátni dēoná, mi túi jígohna

* 10.28-29 1Co 8.7-12 * 11.1 1Co 4.16; Fil 3.17 * 11.2 2Ts 2.15 * 11.7 Gn 1.26-27
* 11.8-9 Gn 2.18-23

caá”, ñipí niij jengah joiná caá. Pániha, miíh waó yoóc maátini dwoit, mijeéh bóodih jepahat júatna caá mi chájap. ¹⁶Páant wá naáwátidih ded biíhboó mácah á naáwíhichah, nin pahjeh wá jepahna caá: Nihat jwiít yeebdíh bohénit wá naáwátidih biíc yoobó jwípí bohéna caá. Nihat nin baácnadih moón Diofhwábut Diosdih wéinit, biíc yoobó ípí chájna caá.

**Jesús á wutni jeémátidih
í tái chájcat**

¹⁷Jesús á wutni jeémátidih buu baini wá naóhbiipna caá. Míic wáacnit, Jesús á wutni jeémátidih ded pah ñi jeémát doonádih joinít, yeebdíh wá wéican caá. Jesús á naáwátidih biíc yoobó chájcan, caandíh ñi chah jengah joyát pínahdih míic teo wáaccanjeh, ñi míic yéejana caá. ¹⁸Pánih míic wáacnit, Jesús á wunatdih náhninit, bícdih jeémát tétut niijná yuhna, ¿Dépanihna, bícdih ñi jeémpan? Biquína dawá bí dée bíbohniit moh yéejnit bícdih í jeémíhcan caá. Bitaboó í chéenwá biíc yoobó jengah joinítjeh bícdih í jeémpan caá. Obohjeéhtih, biquína bitajeéh ípí tái jeémpan caá. Pánih nihat bícdih jeémpan, ded pah Jesús á bohéatdih ñi chájcan caá. ¹⁹Obohjeéhtih, pánih jumna, det Jesúsdih tái jepahnitdih, det Jesúsdih tái jepahcannitdihbut ñi jéihna caá. Páant ñi chájcan, ñita jéihcan tagaá. ²⁰⁻²¹Ñi jeéméchah, bitadih páicanjeh, ñi ub jüóhni jeémátidih ñipí jeémpan caá. Páant ñi jeéméchah, biquína moh yéejnitboó baini jeémátidihjeh bíbohniit, tái jeémpan chüúhcan, nuugúp í wunna caá. Bitaboó búdí iguíh macdih ub jüóhniit, bitadih wúhcanjeh, í babh máihna caá. Pánih chájna, “Jesús á wutni jeémátidih jeémpan caá jwí chájap”, niijná yuhna, yoobópdih ñi niijcán caá. Á wutni jeémát á jumuchah, nihat ñi ub jüóhni jeémátidih pááhnit, bícdih ñita wéi jeémpan tagaá. Pánih jeémpan, tái bícdih áih bácah pah ñita jum taga. ²²Ñi jengah joyoó buca! ¿Dépanihna tubit nuugúp tubuchah yuhna, ñíih muúboojéh jum jwuhna, ñi

jeémpan? ¿Dépanihna bita Jesúsíhwá páant yeejép ñi cháj? ¿Dépanihna Jesúsíhwá moh yéejnitdih jígah encanjeh ñi tíica? ¿Ded pah wá niijbí? ¿Páant ñi chájchah, yeebdíh wá wéimi naniit? Nihcan caá. Wá wéican niit.

**Jesús á wutni jeémát
ded pah á jumat**

²³Jesucristojeh nin pah weemdíh á jéihyanap jí, á wun wúhatdih náhninit, ded pah pandih jeémpan, iguíh macdih babhnit, jwí tái jeémát pínah niijná: Caandíh eníhcannit í teoni pínah chei Jesús á bohénitdih át numah jeémép wut jí. Pánih jeémpan, jwí Maáh Jesús pan júdudih ubnit, ²⁴“Nindih ma wúhat téina caá, Paá”, niij péanit, á bohénitdih át ói wúhup wut jí. Pánih ói wúhniit, nin pah át niijp wut jí: “Nin pan wíih bácah panihni caá. Yeéb ñi yéejat júb wá wun wúhbiipna caá. Pániha, nindih jeémpan, wá wun wúhatdih ñi náhninaá”, át niijp wut jí. ²⁵Pánih jeémpan péanit, Jesús pamapdihtub ub, wúhniit, nin pah queétdih át niijp wut jí: “Nin iguíh mac wíih meép panihni caá. Wun wúhniit, jáap namá dée wá chájbipna caá, Diosjeéh ñi tái jumat pínah niijná. Wá wun wúhatdih ñi tái jengah joyóchah, Dios ñi yéejatdih á yohbiipna caá, iiguípa bejnit déedih á pehbhoó ñi bejat pínah niijná. Pániha, iguíh macdih babhnit, weemdíh ñi náhninaá”, Jesús á bohénitdih át niijp wut jí. ²⁶Pánih pandih jeémpan, iguíh macdih babhbat jumat pah “Jesús weemdíh á wun wúhatdih wá tái jengah joiná caá”, niiját jéutna caá jwí chájap. Pániha, Jesús á jwúub dei jüúwát pínah játih páantjeh jwiít áihwádh pandih jeémpan, iguíh macdih babhbat caá náahap.

**Jesús á wutni jeémátidih
ded pah í jeémát pínah**

²⁷Jesucristo á wun wúhatdih tái jengah joinít, bita Jesúsíhwádh oinit, pandih jeémpan, iguíh macdih babhbat caá náahap. Ded jengah joicánjeh jeémpan, babhna, Jesúsíh bácahdih áih meépdihbut “Dedé

* 11.25 Ex 24.6-8; Jer 31.31-34; Mt 26.27-28

pínah nihcan caá”, niijnít, caandíh bádí ā yéej chājna caá. ²⁸Ded ā jeémát pínah játih, ā yéej chājatdih jenah joyát caá náahap. Pánih jenah joinít, ā yéejatdih Diosdih naóh péanit, ā jeémé naáh.

²⁹Jeémpnit, nin pah jenah joyát caá náahap: “Nin pan Jesúh b́acah panihni, nin iguñh mac áih meép panihnidih enna, wā yéejat j́iib weemdíh ā wun wúhatdih wā náhnina caá”, niíf jenah joí, jeémpnit, ā babhba naáh. Páant niíf jenah joicán, dedé yéejatdih naóhcan, ā jeéméchah, Diosboó caandíh ā peéh chājbiḡna caá.

³⁰Jesús ā wutni jeémátidih túi jenah joicánjeh ñi jeémát j́iib, dawá tubúḡ chūáhñit, bitabut íť wunah bejep wut j́i.

³¹Obohjeéhtih, yeebjéh ded pah ñi yéejatdih jenah joinít naawáchah, Diosboó yeebdíh áta peéh chājcan tagaá.

³²Pánihna, Dios buu yeebdíh peéh chājñit, bohéna caá ā chájap, túttimah iiguíḡna ñi bejcat pínah niijná.*

³³Wā úudwā panihnitá, Jesús ā wutni jeémátidih jeémát túť niijná, míic wáacnit, nihatdih páñit, bíicdih ñi túi jeémé. ³⁴Nuugúḡ tubanitboó íih muúboó jum jwuhna, í jeémp wud jum naáh. Pánihna, táinijeh ñi jeémé, Dios yeebdíh ā peéh chájcat pínah niijná.

Ñi pebhna jaib́init, bíih ñi úubh joí daacátjidih wā jepahbiḡna caá.

Túini Esṕritu ā jéihyaat

12 ¹Buu Túini Esṕritu ā jéihyaatnadih ñi úubh joyátidih wā jepahbiḡna caá, ñi tái jéihyat pínah niijná. ²Nindih ñi náhninaá: Yeéb Jesucristodih ñi jepahat pínah játih, nemépwā í maáh ñi nuowádih yeenit, ā jéih jepahcah yuhna, yeéb Corinto túťchidih moondíh pápnitdih át úábát túťup tají. ³Ded Túini Esṕritu ā wépatj́ih naóhni, ded nemépwā í wépatj́ih naóhñidihbut ñi jéihyat pínah niijná, nin pah wā niíf daacna caá: “Túini Esṕritu ā wépatj́ih naóhñit, ‘Jesucristo yeejéḡ caá’, í niijcán niít. Obohjeéhtih, nemépwāboó í wépatj́ih naóhñit, ‘Jesucristo Dios wúúh, jwí Maáh caá’, í jéih niijcán niít”, wā niijná caá.

⁴Túini Esṕritu boó jwiít Jesúhwádih teo wáacna, mácah jéihyatnadih áḡ wúhna caá. Obohjeéhtih, jéihyatna mácah ā jumuchah yuhna, caán Túini Esṕritujeh páant áḡ teo wáacna caá.

⁵Ded pah bitadih jwí teo wáaquíhichah, mácah ā jumuchah yuhna, jwí Maáh Jesúsjeḡ jwiít nihatdih ā teo wáacat túťna caá. ⁶Bitadih mácah jwí teo wáacachah yuhna, Dios ā wépatj́ihjeh jwiít nihat jwí jéih teo wáacna caá. ⁷Jwiít nihat Jesúhwádih Túini Esṕritu ā wépatj́ih áḡ teo wáacna caá, jwiítbut bita áihwádih jwí teo wáacat pínah niijná. ⁸Biquína ā wépatj́ih, “Nin pah meemdíh chájat caá náahap”, í niíf jéih naóh yapana caá. Bitā ā wépatj́ih ded pah yapatdih, ded pah yapat pínahdihbut í túi jéih naóh yapana caá. ⁹Bitā ā wépatj́ih, Diosdih chah jenah joinít, bíihdih í jéih teo wáacna caá. Bitabut wunnitdih teo jáhanit, í jéih booana caá. ¹⁰Bitabut cáacwā í jéih chájca naáhdih í chájna caá. Bitā Dios ā naawáchah, í jéih naóh yapana caá. Bitā ded Túini Esṕritu jumnidih, ded neméḡ jumnidihbut í beh enna caá. Bitabut ā wépatj́ih mácah wéheatj́ih í jéih naóhna caá. Bitā mácah wéheatj́ih í naawáchah joinít, í jéih naóh yapana caá. ¹¹Pánihna, nihat mácah ā jumuchah yuhna, Túini Esṕritujeh ā weñat pínahdih chájñit, queéť nihatdih áḡ teo wáacna caá.*

Jesúhwā bíic b́acah pah jwí jumat

¹²Jwíh b́acah bíicjeh ā jumuchah yuhna, téihyana jum, quíib dahna jum, jítchana jum, moli chóonabut ā jumna caá. Obohjeéhtih, dawá ā jumuchah yuhna, nihat jwíh b́acahdih jumñijeh caá. Pánihat pah, jwiít Jesúhwā dawá jumna yuhna, jwiít nihat bíicdih áih b́acah dée jwí jumna caá.* ¹³Biquína judíowā, bitā judíowā nihcannitbut jum, bíiquína teo wúhñit, bitā teo wúhcannitbut jwí jumna caá. Obohjeéhtih, jwiít nihat mácah jwí jumuchah yuhna, jwiítidih teo wáacni Túini Esṕritu bíicjeh jumna, jwiítidih

* 11.31-32 Dt 8.5; He 12.5-11 * 12.4-11 Ro 12.6-8 * 12.12 Ro 12.4-5; Ef 4.14-16

waadnit, jwiit nihatdih biic bácah pah át chájap taga.

¹⁴Jwíih bácahdih jumni biícjeh nihcan, dawá á jumna caá. ¹⁵Jwíih jítcha wéheni nihna, “Caán téihya chah túini caá. Weéamboó téihya nihcan, nin bácahdih jumni pínah nihcan caá”, á niijíchah yuhna, bácahdih jumni páantjeh áta jum tagaá. ¹⁶Jwíih molítboó “Weém quíib dah nihcan, nin bácahdih jumni pínah nihcan caá”, á niijíchah yuhna, bácahdih jumni páantjeh áta jum tagaá. ¹⁷Obohjeéhtih, jwíih bácahdih quíib dahjeh jumna, molít wihcah, ¿ded pah tigaá jwíta jéih jói? Molítjeh jumna, wúuc íit wihcah, ¿ded pah tigaá jwíta jéih jói? ¹⁸Pánihna, nihat bácah jumnidih jwí náahna caá. Diosboó túi jéihni jwiítidih chájni ded pah á náahatdih nihat jwíih bácahdih jumni pínahdih át chájip taga, jwí túi jumt pínah niijná. ¹⁹Jwíih bácahdih quíib dahjeh, jítchajeh, téihyajah á jumuchah, jwíta jéih jumcan tagaá. ²⁰Pánihna, dawá bácahdih jumni á jumuchah yuhna, biic bácahjah á jumna caá.

²¹Jwíih quíib dahboó “Weém nihat jéihni caá. Dedé weemdíh judhcan caá. Pánih jumna, caán téihya á teo wáacat pínahdih wá náahcan caá”, á niijíchah yuhna, á teo wáacat á náahna caá. Jwíih wao dáhboó “Dedé weemdíh judhcan caá. Pánih jumna, caán jítchadih wá náahcan caá”, á niijíchah yuhna, caandíh á náahna caá. ²²“Wíih bácahdih jumni túi wépcanni caá”, jwí níj jenah joinfboó chah á náahna caá. ²³“Túí jígohcanni caá”, jwí níj jenah joiná, túini yéguehdih jwípí duoná caá, túí jígohat túut niijná. Tíicnit, jwípí jáhna caá, bita í encat pínah niijná. ²⁴“Bita í enechah, dedé pínah nihcan caá”, jwí níj jenah joiníidih jwípí jáhcan caá. “Wépcanni caá. Túí jígohcanni caá. Tíic náah jumni caá”, jwí níj jenah joiníidih chah jwípí túi en daoná caá. Páant tigaá Dios át chájap taga, ²⁵míic jáihñat dée wihcanjeh, nihat á túi míic teo wáacat pínah niijná. ²⁶Pánihna, jwíih quíib dah túbna, nihat bácah á túbana caá. Quíib túbat á yayahchah, nihat jwíih bácah á túina caá.

²⁷Yeéb nihat Corinto tátchidih moón Jesúfhwá áih bácah dée ní jumna caá. Pánihna, jwíih bácahdih jumni nihat á chájat pínah mácah á jumt pah, yeebbút Jesúfhwá bácahdih jumnit dée, ní chájat pínahbút mácah á jumna caá. ²⁸Nihat Jesúfhwá bíicdih jumnit, Túini Espíritu á wépatjìh mácah jéihyatnadih Dios át wúhup taga. Dios á jwíih níonitboó Jesús á naáwát túutnit í jumna caá. Túttimah, Dios naáwátidih naóh yapanit í jumna caá. Túttimah, á naáwátidih bohénit í jumna caá. Túini Espíritu á wépatjìh cáacwá í jéih chájca naáhdih biquína í chájna caá. Biquínaboó wannitdih teo jáha wúbhnit, á wépatjìh í jéih boana caá. Bitaboó, bitadìh jígh ennit, ípí teo wáacna caá. Bitaboó, cáacwáidih téi wáohnit pínah í jumna caá. Bitaboó, á wépatjìh, mácah wéheatjìh í naóhna caá.* ²⁹Yeéb nihat Jesús á naáwát túutnit nihcan caá. Nihat Dios naáwátidih naóh yapanit pínah, nihat á naáwátidih bohénit pínah, nihat wép chájnit pínahbút nihcan caá. ³⁰Nihat boonit pínah, nihat mácah wéheatdih naóhnit pínah, nihat mácah wéheatdih jwúub túut nuém naóh yapanit pínahbút nihcan caá. ³¹Jwiit biquínadìh nihat jéihyatna á wihcan caá. Diosjah caá áih cáacwáidih á jéihyana caá. Chah túini jéihyat pínahdih bidna, jwiit nihatdih caandìh búdí wúbát caá náahap. Obohjeéhtih, bitadìh jwí oyat pínah caá chah náahap. Pánih oina, Túini Espíritu á wépatjìh bitadìh jwí túi teo wáacbiipna caá. Jwí oican, Túini Espíritu jwiítidih á teo wáacachah yuhna, bitadìh jwí túi teo wáaccan níit.

Oyat

13 ¹Túini Espíritu á wépatjìh mácah wéheatjìh wéhenit, bita í wéheat, ángelwá í wéheatjìh wéhena yuhna, bitadìh jwí oicah, dedé pínah nihcan caá. Yéej yáaatjeh caá. ²Túini Espíritu á wépatjìh Dios á naáwáchah, jwí jéih naóh yapana yuhna, bitadìh jwí oicah, dedé pínah nihcan caá. Ded pah Dios á jumtadìh, á chájat pínahdihbút túi jéihna yuhna, bitadìh jwí oicah, dedé pínah

* 12.28 Ef 4.11

nihcan caá. Jwiít cáacwá jwí jéih chájca naáhdih Dios á wépatjîh jwí jéih chájat pínahdih táí jenah joiná yuhna, bitadih jwí oicah, Dios á enechah, dedé pínah nihcan caá.* ³Nihat jwí bíbohathdih moh yéejnitdih jwí wúhuchah yuhna, Jesúfh doonádih jwí naáwát peéh bita jwiítidih í cáwachah yuhna, bitadih jwí oicah, Dios jwiítidih wéi encan, táinidih á wúhcan níft.

⁴Bitadih oina, ded pah jwiítidih í yéej chájachah yuhna, yéej cháj jwúhacan, táinijeh jwí jumbipna caá. Bitadih oina, jígah ennit, jwí teo wáacpina caá. Queétdih oina, fîh bíí déedih en ñinahcan, ded pah í táí yapachah, jwí íjcan níft. Pánih oina, queétdih jwí wéi enat pínah niijná, ded pah jwí táí jummat, jwí táí yapat, jwí táí chájatdihbut jwí naóhcan níft. “Weém nihat jéihni caá. Dedé judhdát weemdîh wihcan caá”, niijní pah jwí jumcan níft. ⁵Bitadih oina, queétdih jwí tíicacan níft. Pánih oina, chah táinidih jwiítjeh bíbohát tútut niijná, jwí bidcan níft. Pánih oina, ded pah jwiítidih bainí yeejép í chájachah yuhna, waícanjeh jwí íjcan níft. Jwiítidih í yéej chájatjidih jwí quíib bueédbípa caá. ⁶Bitadih oina, yeejép í yapachah, yeejép í chájachahbut, jwí wéican níft. ⁷Bitadih oina, í yéej chájat doonádih bitadih naóhcan, í táí chájihatdih jenah joinít, Dios queétdih á tútut numát pínahdih jwí táí jenah joí cádahcan níft. Pánihna, ded pah jwí yapachah yuhna, jwí oi cádahcan níft.

⁸“Ñi míc oyoó”, níj watnit, Dios “Páant bóojeh tigaá. Yeebdîh bæu oyat náahcan caá”, á niijcán níft. Obohjeéhtih tútutimah, Túini Espíritu á wépatjîh Dios naáwátidih naóh yapaat, mácah wéheatjîh naáwátbut, ded pah yapatdih, ded pah yapat pínahdih jéihyatbut dedé náahat á wihcan níft. ⁹Nin baácboó jum jwuhna, Túini Espíritu á teo wáacachah yuhna, nihatdih táí jéih beedácan, nihat Dios naáwátidihbut táí yoobópdih jwí jéih naóh yapacan caá. ¹⁰Obohjeéhtih,

Jesucristo, táini yoobát jumni, á jwúhbei jwúwúchah, nihatdih jwí jéih beedábipna caá.

¹¹Nin pah jwí jumna caá: Weém wébít jumna, wébít í jenah joyát, í wéheat pahbut, weembút jenah joinít, wá wéhenap jî. Obohjeéhtih, bæu behe jumna, wébít í chájat pah wá chájcan caá. ¹²Nin pahbut á jumna caá: Maa quenalih naajîh jwí táí míc encan caá. Pánihat dée Diosdih bæu jwí jéih encan caá. Tútutimah, jwiít chénaboó caandîh jwí míc jwááh enbipna caá. Nin baácboó jum jwuhna, Diosdih jwí jéih beedácan caá. Obohjeéhtih, á pehbboó juibina, jwiítidih bæu á jéih beedáat pah, jwiítbut caandîh jwí jéih beedábipna caá.*

¹³Nin baácboó jum jwuhna, jwiítidih nin pah chájat caá náahap: Diosdih táí jenah joí cádahcan, jwiítidih á táí chájat pínahdih páantjeh náhnina, caandîh, bitadihbut oi cádahcat caá náahap. Obohjeéhtih, oyat caá jwiítidih chah náahap.

Mácah wéheat, Dios naáwátidih naóh yapaat

14 ¹Míc oyat jwiítidih chah á náahachah yuhna, Túini Espíritu á jéihyaatnadihbut jwiítidih bidat caá náahap. Dios naáwátidih naóh yapaat wépatdih chah bidat caá náahap, míc wáac joinít, ñi jéih míc teo wáacat tútut niijná. ²Mácah wéheatjîh naóhnutboó cáacwáidih wéhecan, Diosdihjeh í wéhena caá. Túini Espíritu á wépatjîh, Dios á jéihyaatdih í naáwáchah yuhna, nihat cáacwá ípí beh joicán caá. ³Obohjeéhtih, Túini Espíritu á wépatjîh Dios naáwátidih naóh yapanitboó cáacwáboodîh í wéhena caá. Diosdih chah í táí jenah joyát pínah niijná; ded pah queétdih á chájat tútutatdih chah táí beh joinít, í jepahat pínah niijná; í jígahatdih, í úumatdihbut á yayát pínah niijná; páant í níj naóh yapana caá. ⁴Mácah wéheni áih caolihdihjeh Túini Espíritu á teo wáacna caá. Obohjeéhtih, Dios naáwátidih naóh yapaniboó Diofhwá wáac joinítidih á teo wáacna caá.

* 13.2 Mt 17.20; 21.21; Mr 11.23 * 13.12 1 Jn 3.2

⁵Yeéb nihat mácah wéheatjìh ñi wéheatdih náah yacna yuhna, Dios naáwátdih naóh yapaatdih chah wā náah yacna caá. Naóh yapaniboó Diohfwādih chah ā teo wáacna caá. Obohjeéhtih, mácah wéheatjìh naóhni, caandíh jwúub túut nnumnjìh bícdih naóhni, Dios naáwátdih naóh yapani bíc yoobó áihwādih ī teo wáacna caá. ⁶Wā úudwā panihnitá, weém ñi pehbóo juibíni, mácah wéheatjìh wā naáwáchah, yeebdíh āta teo wáaccan tagaá. Obohjeéhtih, ded pah Dios ā jéihyaatdih naóh yapanit, ded pah jwí chājat pínahdih naóh bohénit, yeebdíh wā tái teo wáacap jí.

⁷Nin pah ā jumna caá: Pelatdih, chíó nahdih yoobópdih jwí póojchah, joinítboó jwí póojatdih ī beh joicán níit. Bítatdihbut yoobópdih jwí bíitcah, bitaboó jwíjeéh ī jéih eocan níit. ⁸Póojat nahdih yoobópdih jwí póojchah, joinítboó beh joicán, míic mawatdih teo wáacadih ī bejcan níit. ⁹Pánihat dée, joinítíh wéheatjìh yoobópdih ñi naóhcah, ī beh joicán níit. Ñi naáwáchah yuhna, queétdih dedé pínah nihcan níit. ¹⁰Nin pahbút ā jumna caá: Nin baácboó dawá wéheatna ā jumna caá. Cáacwā íih wéheatjìh wéhena, ī míic beh joiná caá. ¹¹Obohjeéhtih, weemdíh naóhni wéheatdih beh joicán, jwí jéih míic wéhacan caá. ¹²Pánihat pah, joinítíh wéheatjìh naóhcan, ī beh joicáh, yeebbút queétdih ñi jéih teo wáaccan caá. Pánihna, Diohfwādih teo wáacat pínah niijná, Túini Espíritu ā wühni jéihyaatnadhí bádí ñi bidí.

¹³Diohfwādih teo wáacat túut niijná, mácah wéheatjìh naóhnihoodíh jwúub túut nnumát pínahdihbut úubát caá náahap. ¹⁴Beh joicán yuhna, wíih caolihboó mácah wéheatjìh wā tái úubhna caá. Páant wā úubúchah, wíih caolihdih ā teo wáacna caá. Wíih wéheatjìh wā úubúchah, wíih jenah joyátboodíh ā teo wáacna caá. ¹⁵Pánihna, mácah wéheatjìh úubhni, wíih wéheatjìhbut wā úubhbiipna caá. Mácah wéheatjìh eonit, wíih wéheatjìhbut wā

eobipna caá. ¹⁶Míic wáac junínit, mácah wéheatjìh Diodih ñi welechah, jéih jwuhcanni ñi cáthi jumna, ñi naáwátdih beh joicán, “Páant tígáa”, ā jéih niijnán níit. ¹⁷“Túina caá, Maá”, yoobópdih ñi niijíchah yuhna, ñi niiját caán jáap juníiboodíh ā teo wáaccan níit. ¹⁸Mácah wéheatjìh yeéb ñi úubát chah weémboó pánih úubhna, wéinit, “Túina caá, Paá”, Diodih wāpí niijná caá. ¹⁹Obohjeéhtih, pánih úubhna yuhna, Jesúshwá jwí míic wáac junínit, yeebdíh ā teo wáacat pínah niijná, daocánni jacnabitjeh níih wéheatjìh naóhna, chah wāta wéi tagaá. Diez mil jacnadih mácah wéheatjìh wā naáwáchah yuhna, yeebdíh ā teo wáaccan, wāta wéican taga.

²⁰Wā úudwā panihnitá, wébit ī jenah joyát pah ñi jenah joicá bojoó. Obohjeéhtih, yéej chājatdih jenah joicánnit ī jumat pah yeebbút bíc yoobó ñi jumú. Behnit ī jenah joyát pah mácah wéheatna ded pah ā jumat pínahdih tái jenah joinít yeebdíh jumat caá náahap. ²¹Yeébboó nin pah ñipí niij jenah joiná caá: “Dios weemdíh tái wéinit, mácah wéheatdih āt jéihyanap be”, ñi niij jenah joiná yuh caá. Obohjeéhtih, Dios ā wéi enat jéuat pínah nihcan caá. Dios naáwátdih naóh yapani Isaías nin pah ā niij daacátjidih ñi tái jenah joyoó: “Dios nin pah ā niijná caá: ‘Wíih judíowādih peéh chājat túut niijná, ī pebhna bíih baácđih moondíh wā wahbiipna caá. Játih wā naáwátdih naóh yapanit judíowā íih wéheatjìh wā naáwáchah yuhna, ī jepahcan jí. Búu peéh chājat túutna, judíowā ī wéheatdih wéican níit ī naáwáchah, páantjeh weemdíh ī jepahcan níit’, jwí Maáh ā niijná caá”, Isaías āt niij daacáp taji.” ²²Pánihna, mácah wéheatna Dios áihwādih ā wéi enat jéuat pínah nihcan caá. Ñi míic wáac juyúchah, caandíh jepahcannitboó mácah wéheatnadhí joinít, Isaías ā daacátjidih náhnit, Diodih ī jepahcatti jíib ā peéh chājat pínahdih ī jenah joibíipna caá. Obohjeéhtih, yeéb Jesúshwáboó Dios naáwátdih ñi naóh yapanachah joinít, yeebdíh teo wáacnit,

* 14.21 Is 28.11-12

jepahcannitboodíh ā teo wáaccan níit.
²³Míic wáac juníit, yeéb dawá mácah wéheatjīh ñi naáwáchah, bita jéihcannit, Jesúsdi h jepahcannitboó waád juníit, “Queét mácah wéheatjīh naóhniit jehah joicánnitjeh caá”, ī níij jehah joibípna caá. ²⁴⁻²⁵Obohjeéhtih, yeéb Dios naáwátidih ñi naóh yapanachah joiníit, Jesúsdi h jepah jwúhcanni nin pah ā níij jehah joibípna caá: “Weém yéejni caá. Dios ninboó jumnit, wā jehah joyátidih jéih beedáni jumna, nitdihbut át jéihyanap taga”, ā níij jehah joibípna caá. Páant níij jehah joiníit, bódicha caj yoh ñajnit, “Dios, meém nihat jéihni, túini caá”, níijnit, Jesúsdi h jepahbipna caá.

Wáac juníit, túinijeh jummat

²⁶Diosdi h weñat túut níijná, míic wáac juníit, túinijeh chājat caá náahap. Yeéb nihat ñi naáwáchah, ā túina caá. Obohjeéhtih, nihat bíicdih ñi níijcá bojoó. Túini Espíritu biquínadi h ewat ā wúhuchah, Diosdi h wéi ewat caá náahap. Bíhdih bohéatdih ā wúhuchah, naáwát caá náahap. Bíhdih Túini Espíritu ā jéihyanachah, caandíhbut naáwát caá náahap. Bíhdih Túini Espíritu ā wēpatjīh mácah wéheatjīh ā naáwáchah, jwúub túut nuúm naáwát caá náahap. Páni hna, Túini Espíritu ded pah ā teo wáacachah, Jesúsdi h chah tái jehah joyát túut níijná, yeebdíh naáwát caá náahap. ²⁷Mácah wéheatjīh naáwíhna, chénewā, bíic peihcannitjeh biquínajeh ī naáwá naáh. Ī naáwátidih jwúub túut nuumñibut ā naáwá naáh, yeéb nihat ñi beh joyát pínah níijná. ²⁸Obohjeéhtih, mácah wéheatdih jwúub túut nuumñi pínah wihcah, wáac juníitdih ā naóhca bojo naáh. Caanjéh caolih díitboó Diosdi h ā úúbú naáh.

²⁹Túini Espíritu ā teo wáacachah, Dios naáwátidih biquína ī naóh yapanah naáh. Queét ī naóh yapanachah, joinitboodíh tái jehah joyát caá náahap, “¿Túini Espíritu ā naáwát túutni níit?” níij jéihyat túut níijná. ³⁰Páant ā naáwáchahjeh, bíhdih Túini Espíritu ā naáwát túutuchah, jwíih naóhni boodíh yayát caá náahap, bíh jwúh ā naáwát pínah níijná. ³¹Nihat bíicdih naóh yapacan, biquínajeh

nihat naóh yapaat caá náahap, nihat míic wáac juníitboó ī bohéat pínah, ī weñat pínah, chah ī tái jummat pínah níijná.

³²Túini Espírítuboo ā naáwát túutuchah joiná, naóhni pínahboó “¿Débólih caá wā naóhbi, queétdih wā tái teo wáacat túut níijná?” níij jehah joyát caá náahap.

³³Páant níij jehah joiná, Dios ā náah yacat pah túinijeh ñi naóh yapabipna caá.

Diosboó nihat Jesúsíhwā míic wáacnitdih túinijeh ā chājat túutat pah, yeebdíhbut bíic yoobó ā náah yacna caá. ³⁴Páni hna, míic wáacna, Dios ā wutátjī pah ī weha mánadi h jepahna, ñi weha mána yaádh lai hcanjeh ī joí chūudu naáh. ³⁵Úúbh joí hna, íih muuná jwúub juibínitjeh, ī weha mánadi h úúbh joyó naáh. Yaádhboó páni h wéhena, bita wáac juníit ī tái joí nuunátdih ī yéejanachah, ā túican caá. ³⁶Yeéb míic wáacnit, ded pah ñi tái jummat pínahdi h páant wā naáwátidih joí hcan, nindih ñi tái jehah joyoó: Jesúsíh táini doonádi h yeebboó naóh waóhniit nihcan caá. Yeebjéh caandíh jepahniit nihcan caá. Páni h waóhniit nihcan, nihat bíih tátchinadi h moón Jesúsíhwā yeebdíh ī waáwáchah, ded pah ípí chājatdi h náhniniit, yeebbát bíic yoobó ñi chājaá.

³⁷Ded “Weém Túini Espíritu ā wēpatjīh Dios naáwátidih naóh yapani caá. Ā wēpatjīh weemdíh āpí jéihyana caá”, níij jehah joiníitboó “Dios ā wutátidih ded pah jwí míic wáacatdi h Pablo yoobópdih ā naóh yapanap be”, ā níijí naáh.

³⁸Obohjeéhtih, wā naáwátidih ā joyáh bojochah, bita caandíhbut ī joyáh bojo naáh.

³⁹Páni hna, wā úudwā panihnitá, Dios naáwátidih naóh yapaat túut níijná, Túini Espíritu ā teo wáacat pínahdi h búdí ñi úúbú. “Mácah wéheatjīh ñi naóhca bojoó”, níijcát caá náahap. ⁴⁰Ñi jehah joyát pahjeh chājan, Dios ā wutát pah túinijeh chājat caá náahap.

Jesús ā boo pud jūúwát

15 ¹Buu wā úudwā panihnitá, Jesúsíh dooná yeebdíh ded pah wā naáwátidih wā jwúub náhnibiapna caá. Caán doonádi h jwíih jepahniit, buubut

jengah joinít ñi jumna caá. ²Caán doonádih ñi jepahachah, yeéb iiguípna bejnit déejidih Dios át tui ubup taga. Caán naáwátdih jói cádahcan, ájeéh jumát túút niijná, Dios pehbóo ñi bejbipna caá. Obohjeéhtih, caandfh cádahna, ñi jwíh jepahatji dedé pínah nihcan níít.

³Weemdfh jéihyani doonádih yeebdfh wá jwáub naáwáp jí. Oboh jumni naáwátjeh nihcan caá. Dios á niijátji pah biíc yoobó Jesucristo jwí yéejat jíib át wun wúhup wut jí.* ⁴Páant á wunat túttimah, áih bácahdih í yohochah, biíc peihcanni yeó jáap túttimah, Dios á niijátji pah, át jwáub boo pud jüúwáp wut jí.* ⁵Pánih boo pud jüóhni, Pedrodih át jígohop wut jí.* Túttimah, á bohénitjidihbut át jígohop wut jí.* ⁶Túttimah, áihwá quinientos chah í míic wáac jayúchah, queétdihbut át jwáub jígohop wut jí. Biquína queét ennitjiboó í wunuchah yuhna, nihat bitaboó páantjeh í báadh jwuhna caá. ⁷Túttimah, á úud Santiagodih át jígohop wut jí. Pánih jígohnit, nihat á naáwát túútnitdihbut át jígohop wut jí.

⁸Pánih jígohni jeáboó á púh laab béjat túttimah, yeejép wá cháj jwuhuchah, wá jepahat pínah játih, weemdfhbut á jígohop jí. Páant á jígohochahjeh, á boo pud jüúwátdih tui jengah joinít, caandfh wá jepahap jí.*

⁹Jesúhwátdih túbit yeejép wá chájachah yuhna, Jesús weemdfh jígohnit, áih doonádih á naóh jibat túúttup jí.* ¹⁰Páant wá jumuchah yuhna, Dios weemdfh oinit, át jígah enep taga. Pánih jígah en túút nunnít, Jesúfh táini doonádih á bohé jibat túúttup jí. Pánihna, weemdfh á teo wáacatjidih búdi wēnít, bita á naáwát túútnit chah wá teona caá. Obohjeéhtih, wá wēpatjijeh nihcan, Túini Espiritu á teo wáacachah, Diosdih wá tui teo wuhna caá. ¹¹Weém, queét bita á naáwát túútnitbut, jwiít nihat páant Jesúfh doonádih jwí bohénachah, yeébbóo ñi jepahap jí.

Wunnit í jwáub boo pud jüúwát

¹²Jesúfh doonádih bohéna, á jwáub boo pud jüúwátdihbut jwípi bohéna caá. Obohjeéhtih, páant jwí bohénachah joinít, nihat yeéb Jesúsdih jepahnit yuhna, ¿Dépanihna “Jwí boo pud jüóhcan níít”, biquína ñi niij jengah jói? ¹³Obohjeéhtih, boo pud jüúwát á wihcan nihna, Jesúsboó áta boo pud jüóhcan tagaá. ¹⁴Jesús á boo pud jüóhcan nihna, áih doonádih jwí bohéat, caandfh ñi jepahatbut dedé pínah áta nihcan tagaá. ¹⁵Páant á boo pud jüóhcan nihna, Diofh doonádih yee naóhnitjeh jwíta jum taga. “Dios Jesucristodih át booanap taga”, jwípi niij bohéna caá. Obohjeéhtih, boo pud jüúwát á wihcan nihna, Jesúsdih Dios áta booacan tagaá. Caandfh á booacan nihna, yee naóhnit jwíta jum tagaá. ¹⁶Boo pud jüúwát á wihcan nihna, Jesús áta boo pud jüóhcan tagaá. ¹⁷Á boo pud jüóhcan nihna, caandfh ñi jepahachah yuhna, dedé pínah áta nihcan tagaá. Yéejat jíib páantjeh yeebdfh áta jum tagaá. ¹⁸Páant á boo pud jüóhcan nihna, Jesúhwá wunnit, iiguípna míicjeh íta bej tagaá. ¹⁹Pánihna, nin baácboó jum jwuhnit, Jesúsdih jwí jepahachah, á teo wáacachah yuhna, jwí wunat túttimah páantjeh buúdná, jwiítboó chah moh yéejnit jwíta jum taga.

²⁰Obohjeéhtih, Jesucristo yoobópdih át boo pud jüúwáp tají. Caán caá jwíh boo pud jüóhni. Caán boo pud jüóh waóhni á jumuchah, jwiít áihwábut jwí boo pud jüóhhipna caá. ²¹Adán yéej cháj waóhna, át wun waáwáp tají. Obohjeéhtih, Jesucristoboó yéej chájcani jumna, wunniji át boo pud jüóh waáwáp tají. ²²Adán yéej cháj waóhni, á wunuchah, jwiít nihatbut yéej chájnit, jwípi wunna caá. Obohjeéhtih, Jesúsboó á boo pud jüóh waáwáchah, jwiít áihwábut jwí boo pud jüóhhipna caá.* ²³Nin pah á jumna caá: Jesucristo át jwíh boo pud jüúwáp tají. Túttimah, caán á jwáub dei

* 15.3 Is 53.5-12 * 15.4 Sal 16.8-10; Mt 12.40; Hch 2.24-32 * 15.5 Lc 24.34

* 15.5 Mt 28.16-17; Mr 16.14; Lc 24.36; Jn 20.19 * 15.8 Hch 9.3-6 * 15.9 Hch 8.3

* 15.21-22 Ro 5.12-18

jūúwáchah, jwiít áihwábút jwí boo pud jūóhbična caá. ²⁴Túttimah, nihát baácdih moón maáta í wēpatdih, nihát nemépwā í wēpatdihbut yap yoh beedánit, nin pah Jesús Diosdih á níj naóhbična caá: “Dáa búca, Paá, weemdíh ma chájat tútatdih búu wā péana caá. Búu meemjéh caá wátni”, á niijbípna caá. ²⁵Páant á niiját pínah játih, Jesús páantjeh maáh á jum jwuhát caá náahap, nihát Diosdih en jūihnidih á míc mao yap yohat pínah níjná.* ²⁶Páant á yap yohochah, jwí jwúub wuncan níít. ²⁷Dios naáwátidih naóh yapani David nin pah át níj daacáp tají: “Dios nin pah á niijná caá: ‘Wā wūúh Jesucristo nihatdih yap yohnit, maáh á jumuchah, nihát caandíh í jepahbična caá. Obohjeéhtih, weémboó chah maáh jumna, wā wūúhdih wá jepahcan níít’, Dios á niijná caá”, David át níj daacáp tají.*

²⁸Jesucristo nihatdih yap yoh péanit, á ípdih “Dáa, búu nihát meemdíh í jepahna caá. Weembút meemdíh jepahni caá”, Diosdih á niijbípna caá. Pánihna, Dios chah maáh á jumbična caá.

²⁹Biquína yeéb Jesúsdi h jepah jwuhcan, ní oinit Jesúsíhwā í jumát peéh, í mawachah ennit, nin pah ní níj jenah joyóp be: “Jesúsíhwā jumna, boo pud jūóhniít, Dios pehbóó í bejbipna caá”, níj jenah joinít, queétdih jwúub eníhna, tútat nūumníít, níít daabáát tútatup wut be. Obohjeéhtih, boo pud jūúwát á wihcah, páant níta chájcan tagaá. ³⁰Jesúsíh doonádih jwí naáwát peéh, jwiítidihbut í mawat dée tobohna caá. Pánihna, “Wā boo pud jūóhcan níít”, níj jenah joiná níhna, wāta naóh cádah tagaá. ³¹Wā jéihna caá, yeó jáap jumát pah weemdíh í mao yohat dée tobohna caá. Obohjeéhtih, wā naáwáchah joinít, yeéb ní tútat nūumátidih ennit, bádí wā wéina caá. Pánih wéinit, á tobohochah yúhna, wā naóh cádahcan níít. ³²Nin Éfesó tútchidih dawá jiowá pah íjnit, Jesúsíh doonádih wā naáwát jíib, weemdíh í mawíhip yuh jí. Pánihna, boo pud jūúwát á wihcah, dedé pínah áta nihcan tagaá. Jwí boo pud jūóhcan, “Wáicanjeh jwí

wúnat pínah játih, jwiítidih wéi babh jeémátjeh caá náahap”,* ípí níjít pah yoobópdih áta jum taga. Obohjeéhtih jwí boo pud jūóhbična caá.

³³Yee naóhniitdih ní joyáh bojóo. “Yeejépwáidih pej jumnit, bíic yoobó yeejép ní jumbična caá”, bita í niijátidih ní téi náhninaá. ³⁴Yeebdíh jwúub túi jenah joinít, yeej cháj cádahat caá náahap. Biquína níjeéh jumnit Diosdih túi jéihcan, jwiítidih á boo pud jūúwát tútat pínahdihbut jenah joicán, í yeej chájna caá. Páant í chájatdih yeebdíh tíicat caá náahap.

Ded pah túttimah jwíih bácah á jumát

³⁵Biquína yeéb “Jwí jwúub boo pud jūóhbična caá”, jwí niijátidih páantjeh beh joicán, nin pah ní níj úubh joimí nacaá. ¿Ded pah wúnnit í jwúub boo pud jūóhbi? ¿Ded pah íih bácah á jumbi? ní níj úubh joimí nacaá. ³⁶Pánih úubh joiná, ní téi jenah joicán caá. Momnidih ní jenah joyóo. Jwí momochah, áih jih bóo chóo á wunuchahjeh, díttmant bóo ápí chíih jūóhna caá. Á wuncach, áta chíih jūóhcan taga. ³⁷Chíih jūóhniiboó jwí momnidih bíic yoobó nihcan caá. Pánihat dée jwí jwúub boo pud jūúwáchah, jwíih bácahbut mácah á jumbična caá. ³⁸Nihat jwí momni chíih jūóhniít ded pah á jumát pínahdih Diosboó át chájap taga. Bííhnajíh jwí wid momochah, bíic pah jíghoni míc á chíih jūóhcan níít.

³⁹Páant á jumát dée nihát bácanabut bíic yoobó nihcan caá. Cáacwā, nuúúpwā, jwébehwā, queejwá nihát íih bácah mácah á jumna caá. ⁴⁰Nihat jeáboó jumni, baácboó jumniút bíic yoobó nihcan caá. Jeáboó jumni á túyat mácah, baácboó jumni á túyatbut mácah á jumna caá. ⁴¹Nihat jeáboó jumniút bíic yoobó á yeh iicán caá. Yeóboó mácah, widhboó mácah, cáiwábút mácah á yeh iigná caá. Cáiwā míicjehbut mácah á yeh iigná caá.

⁴²Pánihna, momni mácah á chíih jūúwát pah, jwí wunuchah, í yohni bácah jwúub boo pud jūóhna, mácah á

* 15.25 Sal 110.1 * 15.27 Sal 8.6 * 15.32 Is 22.13

jumbipna caá. Jwí wunuchah, jwíih b́acah ā moópipna caá. Obohjeéhtih, jwí boo pud j́úúwát túttimah, jwíih jáap b́acah ā jwáub moópcan níit. ⁴³Jwí wunuchah, jwíih b́acah ā túi j́oghcan caá. Obohjeéhtih, jwí boo pud j́úúwúchah, túini ā jumbipna caá. Jwí wunuchah, jwíih b́acah wēpcanni caá. Obohjeéhtih, jwí boo pud j́úúwúchah, túi wēpni ā jumbipna caá. ⁴⁴Nin baácboó jwí jum jwuhni b́acah ā wunbipna caá. Obohjeéhtih, Dios pehbboó jumni pínah b́acah ā jwáub boo pud j́úóhbiapna caá. Nin baácboó jwí jumat pínah b́acahdih Dios át wúhup wut j́i. Pánih wúhna, bíih b́acah ājeéh jumat pínahdihbut ā wúhbiapna caá.

⁴⁵Dios naáwátidih daácní nin pah át níij daacáp tají: “Á jwíih chájni newédih Dios áih b́acahdih caolih jéyanachah, át caolih wáyap wut j́i. Caán newé Adán át wút jumup wut j́i”, át níij daacáp tají.* Obohjeéhtih Jesucristo, Péeni Adán wút jumnidih boonanit, áih b́acahdih Dios mácah át chájap wut j́i. Pánih caandíh boonanit, jwíitdihbut ā booabipna caá, ā pehbboó ájeéh jwí jumat pínah níijná. ⁴⁶Nin baácboó jwí jumat pínah b́acahdih Dios át jwíih chájap tají. Túttimah, jeáboó ájeéh jwí jumat pínah jáap b́acahdihbut ā cháj wúhbiapna caá. ⁴⁷Dios Adándih baácj́ih át chájap wut j́i. Obohjeéhtih, Jesucristoboodíh jeámant át wah deyanap wut j́i. ⁴⁸Jwíit nihat Adán juméná jumna, áih b́acah déedih jwí bíbohna caá. Jesucristoíhwá jumna, áih jáap b́acah déedih jwíitbut jwí bíbohbiapna caá. ⁴⁹Buu nin baácboó jum jwuhna, baácj́ih chájni Adán pah j́oghniit jwí jumna caá. Túttimah, jeáboó jumna, Jesús pah j́oghniit jwí jumbipna caá. ⁵⁰Wá úúdwá panihnitá, páant wá naáwátidih jenah jointí, nindih níi túi náhninaá: Nin baácboó jwí jum jwuhni b́acah, yéejni jumna, Dios pehbboó yéejat wihcapna ā jéih jumcan níit. Moópni pínah jumna, Dios pehbboó moópát wihcapnabat ā jéih jumcan níit.

⁵¹Játih Dios ā jéihya jwuhca naáhdih buu yeedbíh wá naóhna caá. Nin wá

naáwátidih níi túi jenah joyoó: Jesucristo ā jwáub dei j́úúwát pínah j́átih, nihat jwíit áihwá jwí wuncan níit. Obohjeéhtih, jwí wunat túttimah, jwí wun jwuhcah, bíic yoobó jwíit nihatdih ā túut nuumbípna caá. ⁵²Bíic láa quíib pínah bojat pah jwí túut nuumát ā jumbipna caá. Péeni póojat nah ā yáanachah, jwíit nihat áihwáidih Dios ā túut nuumbípna caá. Á yáanachahjeh, nihat áihwá wunnitji jáap b́acah jumnit í jwáub boo pud j́úóhbiapna caá. Áihwá báadhnitdihbut ā túut nuumbípna caá.* ⁵³Buu jumni b́acah wunna, ā moópipna caá. Obohjeéhtih, jwíitdih ā túut nuumát túttimah, jwíih jáap b́acah jwáub wuncan, ā moópcan níit. ⁵⁴Páant ā yapachah, Dios naáwátidih naóh yapani Isafias nin pah ā níij daacátji bíic yoobó ā yapbipna caá: “Dios nihatdih át yap yohop tagaá. Páant ā yap yohochah, áihwá í jwáub wuncan níit”, át níij daacáp tají.* ⁵⁵Dios naáwátidih naóh yapani Oseas nin pah ā níij daacátjidihbut bíic yoobó ā yapbipna caá: “íWunat ā jwáub wihcan níit! Pánihna, buu jwí yéejat peéh wunatdih jwí úumcan caá”,* ā níij daacátji pah jwíit áihwá wēnit, jwí níijbípna caá. ⁵⁶Moisésji ā wutatdih jéihna yuhna, jwíit nihat jwíipí t́i jepachan caá. Pánih jepachan, “Weém yéejni caá”, jwí níij jéihna caá. Páant jwí jumatdih jéihniit, jwí wunat túttimah, dedé yéejat peéh chájatdih úumna, wunatdihbut jwíipí úumna caá. ⁵⁷Obohjeéhtih, Jesucristo wun wúhniit, ā jwáub boo pud j́úúwúchah, jwíit áihwá íiguipna bejniit déeji jwáub boo pud j́úóhniit, Diosjeéh jumat túut níijná, ā pehbboó jwí bejbipna caá. Páant jwí jumat pínahdih jéihna, Diosdih búdí wēnit, “Túina caá”, jwíipí níijná caá. ⁵⁸Wá úúdwá panihnitá, yeedbíh búdí oinit, nin pah wá naóhna caá: Jesúsdih níi jepah cádahca bojoó. Bitaboó yeedbíh yeenit, mácah í bohénachah yuhna, joyáh bojnit, yoobópdih Jesúsdih doonáidih níi túi jenah joyoó. Pánih jenah jointí, “Diosdih jwí teo wúhat buúdní pínah nihcan caá”,

* 15.45 Gn 2.7 * 15.51-52 1Ts 4.15-17 * 15.54 Is 25.8 * 15.55 Os 13.14

niŷ jéihnit, ded pah ā chājat tātutdih túi wēinit, ñi chājaá.

Ded pah dinerodih wūhat

16 ¹Buu bíh naáwátdih yeebdíh wā naóhbiŷna caá. Jerusalén tútchidih moón Jesúh wādhíh teo wáacat pínah dinerodih ded pah ñi chājat pínahdih wā naóhbiŷna caá. Galacia baácdih moón Jesúh wā míc wáacnítidih nin pah wā chājat tātutat pah bíc yoobó ñi chājaá.* ²Chooát yeó jáap jumát pah débóo dinero ñi wūhat pínahdih yeéb niहत ñi jwejepboó ñi ámoohoó. Det í tewat jīb bádí bíbohnit, bádí í ámooho naáh. Det bainí bíbohnit, bainí í ámooho naáh. Pániह ámooha, ñi pebhna wā juibínachah, queét moh yéejnitdih ñi wahni pínah dinerodih ñi bíbohbiŷna caá. ³Wā juibíát pínah játih, dinerodih ub bejnit pínah neonádhíbut ñi ñiwíi. Páant ñi ñiwichah, juibínit, Jerusaléndih moón Jesúh wā queétdih í túi jéihyat pínah niijná, wā daác wūhbiŷna caá.

⁴Weemdíhbut Dios á wahachah, queét bícdih wā bejbiŷna caá. Obohjeéhtih, wā jéih jwuhcan caá.

Pablo á jib bejat pínah

⁵Nin pah wā jib bejat pínahdih wā niŷ jenah joiná caá: “Ninmant bejnit, Macedonia baácdih jumni tútchinadih jib bej péanit, Corinto tútchidih moón Jesúh wā pebhna wā juibíbiŷna caá”, wā niŷ jenah joiná caá.* ⁶“Maatápdih íjeéh chāo jwúhñit, mah noój ā yapat táttimah, bíh tútchina wā bejbiŷna caá. Pániह chāonji wā yap bejat tātut chājachah, weemdíh í jéih teo wáacbiŷna caá”, wā niŷ jenah joiná caá. ⁷Pániहna, ñiyeéh maatápdih jumíhna, Macedonia baácdih wā jib bejat táttimah ñi pehbóo wā juibíbiŷna caá. Butéh bejna, maátcanjeh wāta jéih jum tagaá. Dios ā náahachah, túi maatápdih ñiyeéh wā chāo jwúhbiŷna caá. ⁸Obohjeéhtih, butéh nin Éfeso tútchibóo Pentecostés yeó jáapnadih páantjeh wā jum jwuhbiŷna caá.*

⁹Ninboó dawá wā bohéátđih íjñit, í

bohéát tātutcah yuhna, Dios ā teo wáacatjñh bádí wā bohénachah, dawá joiná caá í chājap. Pániहna, weemdíh íjeéh jumát caá náahap. Pániह jumñiji Pentecostés táttimah, ñi pebhna wā bejbiŷna caá.*

¹⁰Timoteo ñi pebhna ā juibínachah, ā náhni dahwacat pínah niijná, ñi túi teo wáacá. Jwí Maádhíh teo wūhni wā jumát pah, caanbút Jesúsdih teo wūhni caá. Páant ā jumachah, caandíh ñi túi en dawá.* ¹¹Caandíh yap yohcanjeh, yeéb niहतdih túi joyát caá náahap. Caandíh túi wēinit, wā jumapna ā jwúub jūúwát pínah niijná, ñi túi teo wáacá. Caán, bíh Jesúh wā bícdih í jwúub juyát pínahdih wā bidna caá.

¹²Apolosdih “Bita Jesúh wā bícdih Corinto tútchidih moón Jesúh wādhíh meembút enedih ma bejeé”, wā wēp niijnip yah be. Obohjeéhtih, buu ā jéih bej jwuhcan caá. Táttimah, débólih ā bejñhna, ā bejmi dée caá.

Pablo á pée túyat tātutat

¹³Bita í yéjeaat déedih yap yohat tātut niijná, túi jenah joinít jumát caá náahap. Nemépwábut í yéjeaat déedih úmcanjeh, yap yohat tātut niijná, Jesúsđih ñi túi jenah jói cádahca bojóo. ¹⁴Pániहna, oinit, bitadilh túi chājat caá náahap.

¹⁵Wā úudwā panihñitá, niहत Acaya baácdih moón Jesúsđih í jepahat pínah játih, Estéfanaswā í jepahatjđidih ñi jéihna caá. Queét Jesúh wādhíh bádí ípi teo wáacna caá.* ¹⁶Pániह teo wáacnít jumna, í naáwáchah, ñi túi jepahaá. Bita queét panihñit maátá, bita Jesúsđih teo wūhñitdihbut túi jepahat caá náahap.

¹⁷Yeéb Corintodih moondíh bádí bidna wā chājap be. Pániहna, ñi wahnit Estéfanas, Fortunato, Acaicojñh ninna í juyáchah, bádí wā weñep be. ¹⁸Yeéb bícdih jumna, yeebdíh ít weñanap tagaá. Bíc yoobó ninna juinít, weemdíhbut í weñanap be. Pániह teo wáacnítidih “Ñi túi chājap be”, yeebdíh niijnát caá náahap.

¹⁹Asia baácdih moón Jesúh wā míc wáacnít yeebdíh í túyat tātutna caá.

* 16.1 Ro 15.25-26; 2Co 8—9 * 16.5 Hch 19.21 * 16.8 Lv 23.15-21; Dt 16.9-11
* 16.8-9 Hch 19.8-10 * 16.10 1Co 4.17 * 16.15 1Co 1.16

Aquila, Priscilajīh īih mēúboó míc wáacnit Jesúfhwābūt bádí ī túyat túutna caá. “Jwī Maáh Jesúsjeéh ī túi jumu naáh”, niijnít, ī túyat túutna caá.* ²⁰Nihat nin Éfeso tútchidih moón Jesúfhwābūt yeebdíh ī túyat túutna caá. Yeebbút Jesús ā oyatjīh nī túi míc uúbú.

²¹Buu nin péenibitdih weemjéh wā daácna caá. Weembút yeebdíh bádí wā túyat túutna caá.

²²Ded jwī Maáhdih túi oicannidih Dios ā peéh chāja naáh. Jwī Maáh Jesús waícanjeh ā jwúub dei jūúwú naáh.

²³Jwī Maáh Jesús yeebdíh bádí oinit, ā teo wáaca naáh. ²⁴Jesucristo ā oyatjīh bíicdih moon páh yeéb nihatdih bádí wā oina caá.

Páant bóojeh tigaá wā naáwát.

Pablo

* 16.19 Hch 18.2